



**Des Heiligen Ro?mischen Reichs Hoffgerichts zu Rotweil,
Ordnung, Process, vnd besondere Gesetz, : In zwo?lff Theylen
oder Tractaten verfasst.**

<https://hdl.handle.net/1874/433532>



des Heiligen Römi-
schē Reichs Hoffgerichts zu Ro-

weil / Ordnung / Proceß / vnd besondere Besatz / In zwölff Theilen
oder Tractaten verfasst.

* * *
Cum Gratia & Prtuilegio Imperiali. * * *



In Franckfurt Bei Christian Egenolffs Erben.
Anno M. D. LXIII.

Ordnunge vnd sondere Ge

satz des Heyligen Römischen Reichs / Rotweili-
schen Hoffgerichts / mit vorgehender Histori / wie vnd auß was verdienst /
Weilandt König Cunradt / Hertzog zu Schwaben ic. dasselbig Kö-
niglich oder Keyserlich Hoffgericht einer Statt Rotweil gne-
diglich zügestelt / begabt vnd gegeben hat ic.

In dem Jar da man zalt nach Chri-
stus geburt M. C. xxxvii. Jar / da starb Keyser
Heinrich der fünfft / ward zu Speier begraben / in sei-
nes Vatters / Enis / vnd seines Abersenis grab. Des-
selben Jars wurden Lotharius / ein Hertzog von
Sachsen / vnd Hertzog Cunradt von Schwaben / be-
de von den Churfürsten zu Franckfurt / in einer mißhellung / zu Rö-
mischen Königen erwelt / Dañ etliche Fürsten gaben ire stimm wol dem
obgemelten Lotharien / Hertzogen von Sachsen / vnd das waren die min-
dern stimmen / Aber der merertheil der Churfürsten / gaben ihre stimm
Hertzog Cunraten von Schwaben / dardurch er die mehrer stimmwal er-
langte.

Wann aber Papst Innocentius der ander / Hertzog Lotharien von
Sachsen bestnet vnd Confirmiert / vnd Hertzog Conrada von Schwaben
wal vernichtet / darauff sich dann zwischen in grosse zwitteracht erhüb / jedoch
so ward also Lotharius durch den Papst Keyser / vnd zoh Hertzog Cunra-
ten mit grosser macht in sein Land / vnd wüßtet vnd brand im das gar schäd-
lich / er zwange auch alle Fürsten / Grauen / Edelknecht / Dienstmann vñ
Stett / die dem Heiligen Reich zugehörten / vnd die Hertzog Cunraten ge-
huldet vnd geschworen hatten / in für einen Römischen König zuhaben / vñ
also an Hertzog Cunraten brüchig werden solten.

Also da meniglich von Hertzog Cunraten fiel / vñ im abgedrungen /
auch also verlassen ward / da bleyb im alleyn vnd außgenommen der wolge-
borne herr Graff Heinrich von Hohenburg / vñ des Heyligen Reichs Statt
Rotweil anhangen.

Da nun Hertzog Cunradt sunst von jederman gantz verlassen ward / vñ
sich aber inn sein Schloß zu Hohenstauffen / vor Keyser Lotharien macht
nit lenger enthalten mocht / da verfügt er sich zu vorgedachtem Graff Hein-
rich von Hohenburg in sein schloß vnd bestine / auch zu denē von Rotweil /
der tröstlichen hoffnung / sich bei inen vor Keyser Lotharien zu enthalten.

Als aber Keyser Lotharius des bericht / da zoh er mit grosser macht für
die Statt Rotweil / vnd also kamen Hertzog Cunrat / vnd Graff Heinrich
von Hohenburg / mit den iren in die Statt Rotweil / vnd wolten bei ihnen
bleiben / genesen vnd sterben / Also ward die Statt Rotweil von Keyser Lo-
tharien mit grosser macht / lange zeit zuringomb belegert / vnd scharmützel

Vorred.

ten vnd fachten männlich mit einander/ Also daß vil bluts auff beeden seitten vergossen ward.

Zulest aber/ als die von Rotweilsahen/ daß inen kost vnd speise zerrinnen wolt/ da fielen sie auff ein nacht in Keyser Lotharien Leger mit einem grossen geschrey/ vnd siengen vil mechtiger Trauen vnd Edlen/ erschlugen vil volcks/ namen vil pferd/ harnisch/ vnd alle die speise die sie in dem heer funden.

Auff solches brach das heer auff/ vnd zohen mit grossen spott/ schand vñ schaden von Rotweil.

Da nun Hertzog Cunrat von Schwaben sahe daß er Keyser Lotharien macht nit widerstehen mocht/ da ward er durch rath Graf Heinrichen von Hohenberg/ vñ deren von Rotweil/ mit Keyser Lotharien gericht/ vñ stunde also williglich ab/ Doch also/ daß im seine schloß vnd stett wider warden/ die ihm durch Keyser Lotharien entwert waren. Also gieng Hertzog Cunrat darnach an gewalt vnd an reichthumb teglichen auff/ vnd verhiess denen von Rotweil/ daß er der getrewen dienst/ die im die von Rotweil gethon/ nimmer vergessen wolt/ Sondern wolte inen solches zu seinen zeiten dancken/ als er dann auch gethan hat.

Darnach starb Keyser Lotharius des Jars da man zalt von Christus geburt 1137. Jar/ da ward Hertzog Cunrat von Schwaben/ desselben Jars/ mit einhelligem Rath der Fürsten/ zu einem Römischen Königer welet/ als ein Christlicher getrewer vnd nützlicher Fürste/ durch den das Heylig Reich gemehrt werden solt.

Als aber solche Papsst Innocentius vernam/ da setzt er sich abermals wider König Cunraten/ daß er nicht Keyser würde/ wann er forcht daß er das Königreich zu Cecilien wider zu des Reichs handen brächte/ daß dann durch den gedachten Papsst Innocentium dem Reich wunderbarlich vnd listiglich entzogen vnd entwert worden/ Dann als Keyser Lotharius vnd König Cunrat in tödelicher feindschafft gegen einander waren/ wie vorgescriben ist/ da erhüben sich Hertzog Ruggen vnd Hertzog Wilhelm von Norwegen mit grosser macht/ vnd zohen in das Königreich Cecilien/ vnd namen das zu ihren handen/ Da zoh ihnen Papsst Innocentius entgegen mit grosser macht/ vnd vermegnt inen solchs zu wehren/ aber Papsst Innocentius ward von Ruggern gefangen/ vnd wolt er ledig werden/ so müst er demselben Hertzog Ruggern das Königreich zu Cecilien zu einem Lehen/ im vñ seinen erben ewiglich zuhaben geben. Also starb Hertzog Ruggen von Norwegen/ da vnderzoh sich Papsst Innocentius abermal des gedachten Königreichs zu Cecilien/ vnd gab für wie solch Königreich ein besonder vatter erb schafft S. Peters were/ das doch König Cunrat vnd seine nachkommen Römische Keyser vnd Königinie stett hielten/ wolten auch die Römischen Kirchen nit darbei bleiben lassen/ Darumb so forcht Papsst Innocentius daß König Cunrat das Königreich zu Cecilien wider zu des Reichs handen zubringen vnderstehn würde.

Darumb so besoldet der Papsst Hertzog Heinrichen von Beyern/ den
mann

Vorred.

man nennet den hoffertigen/ der dan Keyser Lotharien tochtermann war/
dar zu seine brüder Hertzog Wolffen von Beyer/ daß sie König Cunrat
mit iren Landen bekriegen/ damit er nit in das Königreich Secilien kom-
men möcht/ Schickt ihnen groß hülf von Comardei/ Secilien vnd
Welschland.

Also rüstet sich König Cunrats sun/ Hertzog Friderich mit Hertzog
Wolffen von Beyer zu streiten/ In dem da hetten die von Rotweil einen
grossen reysigen zeug/ dar zu auch vil Fußvolck bei obbemeltē Hertzog Fri-
derichen/ König Cunrats sun/ vnd stritten derselbig Hertzog Friderich
von wegen König Cunrats seins Vattern/ vnd Hertzog Wolff von wegen
seins brüders Hertzog Heinrichen des hochfertigen/ mit einander beidem
Kloster Morißheim/ in dem Riez gelegen/ vnd gelag Hertzog Friderich
ob/ vnd behielte löblichen sig/ Es waren gar vil vom Hertzog Wolffen heer
erschlagen/ also daß Hertzog Wolff kaum daruon kam.

Darnach stritt Hertzog Wolff aber mit König Cunrats sun Hertzog
Friderichen/ bei Weinsperg/ neben dem dorff Elnhofen/ da ward Hertzog
Wolff von Beyer erschlagen mit fast vil volcks. In demselben streit hette
Hertzog Wolff mit den seinen für ein Kreiden: Sie Wolff.

Darwider hieß gedachter König Cunrats sun/ Hertzog Friderich die
seine für jr Kreiden ruffen. Sie Sibling/ wann er war in dem dorff also ge-
nant durch ein frawen gesewgt worden/ vnd thet das Hertzog Wolffen zu
einer verschmächd / also daß er meynt er wolt ihn nicht mit Königlicher
macht / sonder mit seiner Sewogammen milch bestreiten.

Vnd als nun die Lombarder/ die Secilier vnd die Walshē nit verstün-
den/ was die wort bedeuteten. Sie Sibling/ da begerten sie daß mann ihn
die zuuerstehn geben solt/ Darauß sagten die Teutschen/ daß mann durch
das wort Wolff/ verständig vnd bedeutet die so dem Papst zugehörten/ Vnd
durch das wort Sibling/ die so dem Heiligen Reich verwandt werend. Al-
so haben sich die wort zu mal erhaben/ vnd ein gewonheit worden/ dadurch
die Lombarder einander zu vil malen hart beschädigt haben/ daß ein theyl
Wolff/ das ander Sibling gewesen.

Nach dem nun König Cunrat allen seinen widerwertigen durch hülf
deren von Rotweil glücklich vnd mannlich angesiget/ hat er derselben von
Rotweil im bewisener getrewer dienst nit vergessen wöllen/ besunder die-
weil sie von seinem wegen nit allein jr güt/ sunder auch jr leib vnd leben dar
gestreckt/ vnd jr blüt von seinem wegen vergossen haben. Darumb er inen
vnd allen iren nachkommen/ zu ewiger gedechtnus der vorgeschribnen ihrer
gütthät/ für sich vnd alle seine nachkommen Römische Keyser vnd König
ein solche gab vnd freihet gegeben/ also daß des Heiligen Reichs Hoffge-
richt bei in zu Rotweil ewiglich sein vnd bleiben/ vnd das nechst vnd wir-
digest des Heiligen Reichs gericht sein solt/ nach dem Hoffgericht das ein
Römischer Keyser odder König in seinem Keyserlichen oder Königlichen
Hoff hette/ Vn vestnet solche den von Rotweil durch sein Königliche brieff
die er inen darüber geben. Vnd sol alweg ein Graff/ odder der in gleichem

Vorred.

Adel ist / vñnd kein anderer eines mindern Adels / zu einē Hoffrichter des Hoffgerichts zu Rotweil gesetzt werden / der dasselbig von eines Römische Keyfers oder Königs wege besitze / So sollen die Vrtheylsprecher desselbigen Hoffgerichts sein zwölff geschworne Richter der Statt zu Rotweil / vñnd der Schultheß daselbst / die von einē Rath zu Rotweil darzu erwelt werden / Vñnd die sollend mit Rittern / so die darkommend / vñnd so mit Ritter da seind / on die Ritter / vrtheyl sprechen / nach Recht vñnd gewonhete des Hoffgerichts / vñnd als das von anfang auffgesetzt vñnd gehalten ist.

Der vorgeant König Cunrat der dritt / deren von Rotweil Suediger Herz / ward zuletzt mit Papsst Innocentio dem andern vereynt vñnd vertragen / Dann zu denselbigen zeiten gewunnen die Türcken Hierusalem die statt / vñnd das heylig Land / vñnd ertödtten vñnd erschlugen vil Christen. Demnach schickt Papsst Innocentius S. Bernharten zu König Cunraten inn Teutsche Land gen Speyr in die Statt / vñnd der verrichtet den Papsst vñnd den König mit einander / vñ ward die rachtung gefestnet.

Dannzumal empfienge König Cunrat das Creutz von S. Bernharten / vñnd zohē mit hülff König Ludwigs von Franckreich ghen Jerusalem mit grosser macht / vñnd gewann die Statt vñnd das land wider / vñnd erschlug der Türcken ein grosse zal / kam frisch vñnd gesund wider zu land / vñnd reysset fünffzehen jar / vñnd ward mit Keyser / ligt begraben zu Speyr / als oben steht Gott erfrewē in in dem ewigen Reich / vñnd Jerusalem.

*

Die



Register.

Die Titel des Ersten Theils vnd Tractats.

Welcher Hoffrichter vnd Vrtheylspracher vff dem Hoffgericht sein sol.
Wie ein Hoffrichter oder sein Statthalter vor offnem Rathe zu Rotweil schwerend
sol.

Wie der Hoffrichter von dem Hoffschreiber den Eyd nimpt/ vor offnem Rath zu
Rotweil.

Wie des Hoffgerichts Klagfärer vnd Procuratores vor offnem Rath zu Rotweil
schwerend.

Wie des Hoffgerichts geschwornen Botten vor offnem Rath zu Rotweil schwerend.

Wie weit vnd wohin das Hoffgericht zu Rotweil seinen Circkel / vnd zu Richten
hat.

Wie der Hoffrichter das Hoffgericht besitzt/ was fragen er thüt/ vnd wie er sich
haltet biß zu end des Gerichts.

Titel des Andern Theils vnd Tractats.

Wie man färgelade/ genant Ladung oder Verkündigung/ erfordern vnd nemē
sol.

Wie der Hoffrichter den Klägern vff ire Klag antwortet.

Wie sich der so jemand an das Hoffgericht geladen hat / halten/ vnd wie er sein
Klag an des Hoffgerichts stab setzen sol.

Wie man Sachen/ die mit Vrtheil vnd Recht/ oder mit dem Spruch/ zu de Rechten
für das Hoffgericht gewisen sein/ auff ansinnen beider Partheien fürnehmen sol.

Ob sich jemand mit dem andern für das Hoffgericht/ zu dem Rechten verwillkürt/
sol man in der Sach mit richtē/ ein Theil hab dan den andern fürgeladē/ als Recht ist.

Item/ Wie Frauen/ paffen vnd Geystliche leut/ ire Klagen an Hoffgerichts stab
setzen sollen vnd mögen.

Welcher feindschafft oder Kranckheyt halb/ vff das Hoffgericht nit käme/ wie der
sein Klag außserhalb Hoffgerichts/ an Hoffgerichts stab setzen mag.

So einer sein erste Klag gethüt/ vnd der angeklagt/ oder sein voller gewalt dassit/
vnd dem Kläger seiner Klag antworten wil/ so mag der Kläger seine Klag an Hoff-
gerichts stab nicht setzen.

So ein Kläger sein erste Klag thüt/ vnd der angeklagt Lehaffrin erscheinet vnd
ymb vffschlag bittet/ so mag der Kläger dann zumal seine Klag wol setzen.

Item/ So zwey Theyl mit einander im Rechten stehend / vnd die Sach zu Klag
vnd Antwort kompt/ vnd inen die Vrtheylspracher vmb das Vrtheyl ein bedenkē
nemen / So mögen bede theyl ir Sachē setzen des Vrtheyl von irentwegen zuwartē.

Wie oft man ein auffschlag geben sol/ der Lehaffrin erscheint.

Wie einer der färgeladen wirt/ einem seinen vollen gewalt geben mag/ in zuerant-
worten.

Was gewalts ein Statt/ Dorff/ oder Commun haben sol/ das vff das Hoffgerichts
geladen/ oder dem darauff verkündet ist.

Was Sachen man vff verkündigung auff dem Hoffgericht setzen/ oder nit mag.

Der Dritt Tractat vnd Theyl/ mit seinen Theylen.

Wie vnd wen man weiser vom Hoffgericht nach Fretheyt besage.

Wieder der die Fretheyt zeigt/ vnd einen nach Fretheit sage/ ziehen oder abfordern
wil/ so der Kläger das erfordert/ so sol er solchs mit seinem eydt behalten/ das den

Register.

ab geforderte / des Herrn / oder der Statt diener sei der zeit der Ladung oder verhandlung.

In welcher zeit dem Kläger sein Recht gelangen oder ergehn / vnd was sicherheyt vnd geleydt im geben werden sol / so einer nach Freiheyt sage gewisen wirt.

Wo jemand auff das hofgericht geladen / oder im verhandet wirt / vnd der Kläger nit kompt noch klagt / wie fúrter procedirt sol werden.

Vmb was Strúck mann niemand weiset / nach Freiheyt sag.

So einer Statt verhandet wirt / das sie offene áchter enthalten hab / So sie dann vnder einem andern Herrn / vnd nit fúr sich selber ist / wie sie das verantworten mag.

So der Fürsten diener áchterhaltend / wie man darumb zu inen richten sol.

Titel des Vierdten Theyls vnd

Tractats.

Vmb was stuck der Hoffrichter von seines Ampts wegen zu richten hat / vnd richten sol von Lyds wegen / Vnd darumb mann auch dahinen weiset nach Freiheyt sag.

Von der Peen der Sechzig pfund pfándiger pfenning / wann jemandt die verschuldet.

Von Todtschlägen / die auff dem Hoffgericht beschehen.

Titel des Fünfften Theyls vnd

Tractats.

Wo einer dem andern antwort / vnd im Rechten fellig wirt.

Wo fúr einer seinen Lydt thán mag.

So einem ein Lydt erkent wirt / vnd er denselben thán wil / vnd im der Kläger meynte die handt nider zu ziehen / den Lydt zu erstatten / nicht zuzulassen / vnd in der Sach oder Gethat mit seinem leib auff in vermeynte zu weisen / wie mann sich darinnen halten sol.

In was Sachen mann Zeugnuß vnd Bundschaftt erkennet.

Wie ein Fraw jr Morgengab behaben sol.

Wer sich Bundschaftt vnd zeugnuß / die im erkent seind / saumet / vnd in angesetzter gelt nit aufzuecht.

Von Schuldbrieffen die nit freffrig seind.

Von Hauptbrieffen vmb Zinse die verlegen heysend.

Von Hauptbrieffen vmb zins die nit verlegen heysend.

Wievil Zins einer behaben mag.

Wie man weder Juden noch Christen vmb Gesuch / Wácher / Spilgelt / noch Wertgelt / auff dem Hoffgericht mit Richten / sunder das fúr Geystlich gericht weisen sol.

Deßgleichen von Christen / die Juden oder Christen zusprechend vmb bekerung abgewúcherten gúts / das sol mann auch fúr geystlich gericht weisen.

Was Kosten vnd schaden man auff dem Hoffgericht erkennet.

Von erb das in einem besetzten vnd geordneten gericht gefallen ist.

Von erb das auff dem land gefallen ist.

So ein ganz gericht beklagt wúrdet / das es anderst geurtheylt hette dann recht were.

Deßgleichen von Vitheylen vnd Spráchen / die auff ein gemeyne mit gleichem zusatz beschehen vnd veranlastet werend.

Ob jemand den andern vmb ein sach / darumb vormals anderstwo vitheyl volgangen were / fúrnehmen wolt.

Wann einer von einem veranlasten Rechten vermeynt zugehn.

Von Lehen wegen / wie mann das weisst fúr die Lehen herren.

Von aufstehender zins vnd gúlt wegen / das mann nicht fúr die Lehenherren weiset.

Von Zins vnd Gúlt wegen ausser Lehen / die nicht mit des Lehenherren gunst drauß verkauft seind / wie mann das fúr die Lehenherren weisen sol.

Register.

Titel des Sechsten Theyls vnd Tractats.

Umb was sachen mann Verkündungen gibt.

Ein stück oder vrsach / da einer einen Kosten vnd Schaden bekeren sol / der im mitwil lig feindschafft gesagt / vnd im Schaden zugefägt hat.

Das ander stück oder vrsach / wer dem andern das sein raublich nimpt / vnd wie er deshalb sein klag fürnemen mag.

Wie mann alwegen des Hoffgerichts botten / die verkündung geantwort haben sollen / vnd sie vor Gericht schweren lassen.

Des Siebenden Tractats vnd Theyls Capitel.

Umb was stück / warnmb / vnd wie mann die leut in die Acht schweren mag.

Wie der der in Acht geschworen ist / sich selber mit seiner eygnen hand wider darauff schweren mag.

Itz wie der der in Acht geschworen ist / sich selbst sieben d der Acht ledigē mag / Ob es der erschlagen angefangen / an ihn gebracht hab / vnd daß er sich seines lebens hab retten müssen.

Des Achten Tractats vnd Theyls Capitel.

Von den Landtgerichten die vnder das Hoffgericht gehören / vnd an den enden gelegen / dahin das Hoffgericht zurichten hat / so die übergreiffen / vnd vber die richter die in ihr Landtgericht mit gehören / noch in derselben Landtgraffschafft gefessen seind / wie mann sich gegen ihnen halten.

Item was darumb geurtheilt wirt / so es zu klag kompt.

Ob auff freiheit solchs als obsteht / gewissen werden zc.

Titel des Neundten Theyls.

Wie einer geächter wirt / wann mann ihn darauff lassen / vnd wie mann sich darmit halten sol.

Wie der so auß Acht kommen ist / dem kläger eins rechten sein / vnd im verkünden sol.

Wie mann die sach vor dem Hoffgericht behalten / Nämlich so einer vff Recht sich außkauft / vnd wie den der darauff kommen / kein anligend Sach / Feindschafft noch sonst nichts irren sol / dan allein krankheyt seines laibs / oder gefencknis / oder so er in einem Schloß belegert were / vnd wie er dieselben echaßtrin erscheinen sol / vnd ob die erscheint / vnd im tag gegeben wirt / wie der kläger die sach an seinen klagfürer setzen mag.

So der kläger nit käme so im verkündt würt / vnd Lehafftrin nit erscheinet / wie der antworter der Acht von dem kläger mit vitheyl / vnd mit der Ansprach / darumb er zu Acht gethon ist / ledig erkennet würt.

Ob der auß Acht vff Recht kommen gefangen oder vnderwegen krank würt / vnd zu dem Rechten nicht keme.

Deßgleichen ob der kläger dem zum Rechten verkündet / gefangen odder vnderwegen krank würt / vnd zu dem Rechten nit keme.

So ein ächter seiner vernunft entsetzt vnd beraubt würt / wer vnd wie mann den vff Recht darvon ziehen mag.

Ob ein ächter vff Recht auß Acht wolte / der bettligeriger oder so krank were / daß er selber vff das Hoffgericht nit kommen möcht / wie man denselbigē davon ziehen mag.

Daß mann niemandt vff Recht auß Acht lasse / er neme dann des ein Absolutio Brieff / daß er wisse wie er dem kläger eins Rechten sein solle.

Daß der der in Acht gewesen / vnd auß Recht darauff kommen ist / das sein wer der versetzen noch verkauffen mag / er sei denn dem kläger vor eins Rechten gewesen / vnd habe ihm ein benügen gethan / vmb das das er im mit Recht anbehabt oder anbeheben würt.

Daß man niemandt auß Acht lassen sol on des klägers willen.

Wann

Register.

Wann man einen in Acht vnd Aberacht schreiben mag / nach dem vnd er darinn erklagt wirt / vnnnd in welcher zeit solchs stat hat oder nicht.

Das jemand vff Recht auß Acht wolte / da man nit wiste wo der Kläger / oder ob er todt / oder im lande / oder wer sein Erb were / wem oder wohin verkündt werde solt.

Von alten Achten / da niemand weyßt wer der Kläger oder sein erb ist / wie es gehalten werden sol.

So jemand auß einer Acht wil / vnd der Kläger todt ist / wie man seinen Erben verkünden sol.

Wer in Acht gethon wirt der nit geladen oder fürgefördert ist / wie man sich das mit halten sol.

Ob jemand vnrecht in Acht geschriben oder gethon ist / also daß die Gericht nicht Rechtlich vff einander gangen seind / oder in ander weg solchs geschehe.

Da jemand in Acht geschriben wirt / der nit geladen ist / oder jemand den andern in Acht thut schreiben anders dann er geladen / oder fürgefördert ist.

Wo jemand geächtet wirt / der vnder achtzehen jaren ist / wie er dauon kommen mag / ob aber ein solcher auß recht auß Acht kem / vnd dem Kläger verkünden ließ ge recht zu werden / wie ihn dann sein jugent darnach nicht schirmen mag.

Desgleichen auch von gewerchten leuten vnd personen.

So ein Commun in Acht ist / vnd sich einer oder mehr von der Commun ziehen / wie die selben dann nicht ächter heysen noch seind.

Wo sich einer der nit inn Acht gewesen ist / zu einer Commun zuehet die inn Acht ist / wie er dardurch auch ein ächter wirt.

Von denen die vff peen oder Excommunication durch Supplicatoria in Acht kommen / wie man die dauon lassen sol vnd mag.

Wie man ächter anfallen mag / vnnnd ob jemand ein ächter entwert vnnnd nicht zu Recht gestellt wirt / wie man sich damit halten sol.

Welcher ein ächter ist / vnd darumb gen Rotweil Kompt / daß er sich vff recht danc ziehen wil / den sol noch mag kein Kläger noch jemandt anders alda anfallen.

Ob ein ächter angefallen were von dem Kläger / den man darnach von der Acht nemen wolt / dieweil er gefangen wer.

So ein ächter von andern leuten dann von dem rechten Kläger angefallē würde / wie man denselben / dieweil er in der gefencknis ist / von der Acht ziehen mag oder nicht.

Ein ächter mag kein actum noch solennitet / oder nichts thun das krafft hab / des gleichen ein Bänniger.

Wie man das geystlich Gericht vff die Achten vmb hilff anruffet.

Wie die geystlichen Gericht vff die bänn das Hoffgericht anruffen.

Des zehenden Tractats vnd Theyls Titel / von anleytinen.

Wie man eins Ächters güt erlangen vnnnd erfolgen mag / vnnnd wie man sich damit halten sol.

Wer jemand zu schirmherz geben wirt / der sol in an den gütern die er erfolgt hat nit seumen.

So ein ächter auß des güt erlanget vnnnd erfolgt ist / darnach auß recht auß Acht Kompt.

Ob einer eins Ächters güt erlangt vnnnd erfolgt / vnd der ächter auß recht auß Acht Kompt / ehe der Kläger den erfolgbrteff genommen hat.

Daß ein jeglicher mag vff eins Ächters oder Aberächters güter Anleytbrteff vñ ver bierbrteff vber in nemen / wiewol er von eins andern wegen in Acht vnd Aberacht ist.

Wo stück vnd güter erlangt vnd erfolgt werde / die nit des Ächters seind / vff des Ächters geanleyt ist.

Wie man fraven namen mit recht erlangen / vnnnd auß ire güter anleyten sol vnnnd mag

Wie man güt beleyten vnd die erlangen vnd erfolgen sol / die jemand nach tod ge lassen

Register.

gelassen hat/ vnnnd der sich niemand in erbs weiß vnderziehen wil.

Des Xylfften Tractats vnnnd Theils Ti- tel/ von Gemechten.

Von auffgeben/ verzeihen/ von gemechten/ von beweisen/ von verkauffen/ von Vidimus/ von bestetigung brieff.

Wie vnd wen mann Beuögten sol.

Wie ein man seins weibs heimsteuer vnd morgengab beweist.

Dasß Knaben vnder achzehen jaren/ vnd töchter vnd frawen vnder vierzehen jaren vff dem Hoffgericht nichts thun mögen.

Wie ein Jungfraw sich vätterlichs oder mütterlichs erbs verzeihen soll vnnnd mag.

Wie ein fraw die einen ehlichen mann hat / sich vätterlichs vnd mütterlichs erbs/ oder deren eintweders verzeihen sol vnd mag.

Da ein man oder ein fraw ihren kinden verschaffen oder vermachen wollen jr güt/ wie mann das thun sol.

Von auffgeben lediglich von handen. Wo jemandt güt verschafft vnnnd vermacht wirt nach eins andern tod / der sol die schulden bezalen.

Von fertigung auff dem Hoffgericht.

So ein fraw sich jres güts verzeihen/ oder jr güt verkauffen/ versetzen/ vermachen oder hingeben wil auff dem Hoffgericht/ vnd das jre morgengab angeht vnd berürt/ wie sie das thun sol mit zopff vnd mit brust.

Wie mann kind auff dem Hoffgericht Beuögten sol/ denen jr vatter vnnnd mutter/ oder der eintweders von tod abgangen seind/ oder ob man sie bei vatter vnd mutter lebenden zeiten beuögten wolt/ wie mann dem thun sol.

Wie kind vögt von der kind wegen auff dem Hoffgericht verkauffen/ versetzen/ vnd sich verschreiben/ vnd verbinden mögen/ dasß krafft vnd macht hab.

Wiemann das Vidimus erfordert/ vnnnd über was Brieff mann Vidimus gibt an Hoffgericht.

Wie mann gerichtsbrieff/ auch erlangte vnd erfolgte Recht/ die auff dem Landgericht gesprochen/ genrtheilt vnd erlangt werden/ auff dem Hoffgericht bestetigt vnd confirmiert / vnd mit was fürworten.

Wie Heyratbrieff/ Beweifung brieff/ Kauff brieff / vnnnd ander brieff/ da sich jemandt gegen dem andern verschreibt vnnnd verbindt/ oder ihm vermacht vnnnd verschafft vor besetzten Gerichten oder ausserhalb auff dem Hoffgericht bestetiget zc.

Titel des Zwölfften Theyls vnd Tractats.

Wie der Hoffrichter vmb die dritte Klag fragen sol vor vnd ehe das gericht vffsetzet/ vnd wie die Vrttheylsprecher daruff vrtheylen.

Wie der Hoffrichter ächtet in dem Gericht/ so er das Gericht beschliessen wil.

Wie des Hoffgerichts vorster vnnnd Weybel oder Stattknecht das Hoffgericht besüßet/ wann das nachgehend Hoffgericht angesetzt ist/ vnd auff welchen tag.

Auff welchen tag mann pflegt das Hoffgericht zulegen.

Erster



Sapientiae I.

Diligite iustitiam, qui iudicatis terram.

Sap. VI.

*Si delectamini sedibus & sceptris, o Reges populi:
diligite sapientiam, ut in perpetuum regnetis.*



Sapientiae VI.

*Multitudo sapientum sanitas est orbis terrarum:
& Rex sapiens populi stabilimentum est.*

Erster

Erster Theyl Rotweil- scher Hoffgerichts Ordnung.

Wer Hoffrichter vnd Vrtheylsprecher an
dem Rotweilischen Hoffgericht sein sol.



Bdem Ersten / So setzt ein Römischer Keyser oder König ein Hoffrichter des Hoffgerichts zu Rotweil / welcher sol ein Graff oder Freyherr / oder an dem Adel höher / aber nit minder sein / Derselbig Hoffrichter mag / ob er wil / einen Vnderhoffrichter setzen. Der sol aber auch ein Graff oder Freyherr / vnd derselben genoss sein. Vnd das sol er thun mit eins Raths zu Rotweil wissen vnd willen. So seind die zehen man von de Rath zu Rotweil / das ist der Schultheiss vnd die zwölff Richter daselbst / von des heiligen Römischen Reichs wegen bewidmet vnd von alter her / das dieselbert mit Rittern / so dartzu kommen / vnd on die Ritter / so nit da werend / auff dem Hoffgericht zu Rotweil Vrtheylsprecher vnd Richter sein sollen.

Wie ein Hoffrichter oder sein Statthalter vor offenem Rath zu Rotweil schwören sollen.

In jeglicher Hoffrichter des Hoffgerichts zu Rotweil sol schwerē mit vffgehebeten hängern / zu Gott vnd den heiligen / das er das Hoffgericht halten / wie es von alter herkommen vnd gefreiet ist / dem armen als dem reichen / niemandt zu lieb noch leyd richten wölle / Vn auch nit mit der Richter dan zu dem minsten sibem Vrtheylsprecher / Aber wol mehr / es seien Ritter oder ander Vrtheilsprecher / die vff dem gedachte Hoffgericht Vrtheylsprecher haben / vnd wenn die frag die Acht an gang / das er darumb frag die sibem Vrtheylsprecher oder mehr / Auch so im fürkem das jemandt das Hoffgericht schmähete mit fräueln wortē oder wercken / mit Vebden / niderwerffen / fahen / oder mit andern vnzimlichen freueln / Es sei an denen die Vrtheylsprechen / an des Hoffgerichts Amptleuten / an seine botten / oder an denen die das Hoffgericht treibe / alda suchen / oder an andern durch die das beneldet Hoffgericht an seiner würdigkeit / an seiner Ehafftin / vnd seinem herkommen / geschwecht oder geschmecht würde / das er dasselbig mit Klage fürbringen / vnd nach erkantnuß der Vrtheylsprecher / oder des mehrern theyls / so zu der zeit vff dem Hoffgericht sein vnd recht sprechen würden / Richten wölle. Vnd ob das mehr / das dannest in welcherlei sachen das beschehe / das das Vrtheyl zerfiele / also das der halb theyl der Vrtheilsprecher ein Vrtheyl fellete / vnd der ander halb theyl ein ander Vrtheyl / Warumb oder in was sachen das were / das er dan der Vrtheyl volge / vnd die spreche vnd felle die in die rechrest bedunckt / on alle geuerd.

Wie der Hoffrichter von dem Hoffschreiber den Eyd nimpt vor offenem Rath zu Rotweil.

In jeglicher Stattschreiber ist ein Hoffschreiber vff de Hoffgerichte zu Rotweil. Also wann ein Hoffrichter von einē Römischen Keyser oder König gesetzt wirt / vnd er einē Rath zu Rotweil schwert in vor

Ander Theyl Kotweilischer

geschubner mass / so schweret derselbig Schreiber vor offenem Rath zu Kotweil einem Hoffrichter zu Gott vñ den heyligen / das Ampt trewlich zuwersehen / die Gerichts vnd Vttheylbrieff nach Klag vnd Antwort / auch nach laut der vutheyl des Hoffgerichts Recht vnd herkommen / fleissig zumache / alles niemandt zu lieb noch zu leyd / Sonder zu dem redlichsten vnd billichsten / alles ongefahlich. Auch niemandt in Acht noch auß der Acht zuschreiben / man geb ihm dann das gelt ob dem Achtbuch / Darzu niemands auß der Acht zuschreiben dann vff Recht / oder mit des Klagers willen / beselch oder geheiß des Hoffgerichts / Daff er auch dem Hoffrichter das sein / das im von dem Hoffgericht zugehört / getrewlich einsamle / vnd im jãrlichs vñ allem einnemen von dem Hoffgericht ganz lautere Rechnung thũ / vñnd was dem Hoffrichter zugehört / im das erfolgen laß / vnd an Rechnung lege / vnd also das das im zugehört / auch neme / wie das von alter herkommen vnd gehalten ist worden / vngesehrlich.

Eydt des Hoffgerichts Klagfürer vnd Procuratoren.

Procuratores / Klagfürer vñ vnderschreiber des Hoffgerichts / schwerend vor offenem Rath zu Kotweil / jederman sein sach getrewlich zutreiben vnd zu füren / nach dem besten vñ jr verstantnuß / niemand mit Klag vnd Procurator lohn zubeschetzen / sonder nach gestalt einer jeglichen sachen / zimlich belonung zunemen / als das von alter herkommen ist / ongefahlich

Eydt des Hoffgerichts Botten / als hernach folgt / Welche Eydt sie vor offenem Rath zu Kotweil thũn sollen / der sie dann hat zu setzen vnd zuentsetzen / je nach gestalt der sachen ic.

Des Hoffgerichts Botten schwerend zu Gott vñ den heiligen / die besigelten Gerichts brieff / Fürbott oder Ladungen / Verkündungen / Anleyt zedel vñnd Verbotbrieff einem jetlichen dem sie gehören / zuantworten / zu Hause vnd hofe vnder augen / Vñnd namlich die Verkündungen vnd Fürbott zu antworten / zum aller lengsten / daff sie acht tag einem jetlichen geantwort seien vor dem Hoffgericht daruff er geladen oder im verkündet ist / Darzu die Verbotbrieff vñnd Anleyt zedel / nach des Hoffgerichts recht vnd herkommen. Vñnd so sie güter beleyten / sollen sie das auch thũn nach des Hoffgerichts Recht vñnd herkommen / ongefahlich / vnd des Hoffgerichts läuff fúrdern / Vñ ob sie andere läuff oder Botschafft vff sich nemen / die sollen sie nicht anderst vff sich nemen / dann das sie alweg des Hoffgerichts Lãuff vnd Botschafft darinn aufnemen / vnd sich keynes weren / noch die zuthũn jemand versagen sollen / Vñnd wann je einer nicht mehr lãuffer oder bott wil sein / so sol er nach seim absagen dannocht ein Monat warten / on geferd.

Wie weit vnd wohin des Hoffgerichts Circkel ist / vnd zu Richten hat.

Des heiligen Reichs Hoffgericht zu Kotweil hat von alter her gerichtet von Kotweil bis an die Fürst vnd an das Gebürg / jehnhalb ober Elßas / vnd hie dißhalb dem gebürg / den Rhein ab vnd ab bis gen Cöln / vnd nit fürter / Vñnd hie dißhalb dem Rhein wider herauff ghen
Stranckfurt /

Frankfurt/ vñnd als weit das Franckenland gehet/ biß an den Thüringer Wald/ vñnd in Francken vñnd Schweinfelden biß an das Beyerland/ vñnd hie dißhalb Beyerinher biß gen Augspurg an den Lech/ vñnd mit über dem Lech/ Vñnd von dem Gebirg einher was vor demselben gen Schwabē zu/ biß gen Chur/ vñnd was in demselben strich vñnd kreiß ligt biß gen Appenzel/ ghen Schweiz/ ghen Lucern vñnd Bern/ ghen Freiburg in Vchtland/ vñnd denselben kreiß vmbher biß ghen Welschen Newenburg/ vñnd da dannen einher biß gen Brüntraut/ gen Mumpelgart/ vñnd mit fürter/ vñnd daselbst wider herein biß an die Fürst/ vñnd an das gebirg jhenhalb ober Elßaß/ vñnd an alle ende so zwischen den vorgeschubnen kreissen von einem an dem andern ligend weit/ lang vñnd breit.

Wie der Hoffrichter das Hoffgericht besitzet.

Wann der Hoffrichter das Hoffgericht besitzet/ so sol er des ersten so er über Siben Vrtheylsprecher darob vñnd mit darunder hat/ fragen mit seine stab/ den er in seiner hand haben soll/ vñnd sagen: Ich frag dich/ ob es in der zeit sei das Gericht zuuerbietet/ So Vrtheylen die Richter mit solchen worten: Her ich sprich es zu dem Rechten/ wöllen jr richten. So spricht der Hoffrichter zu des Hoffrichters Weybel/ Vöister oder Stat knecht/ also: Verbeut das Gericht/ daß niemand on seine Fürsprechen red. So rufft der Vöister oder Statknecht also: Ich verbiet das Gericht/ daß niemand rede on einen Fürsprechen. Darnach fragt der Hoffrichter die Vrtheylsprecher also: Ich frage dich vmb offnen verschriben ächter/ die jar vñnd tag vñnd einen Monat vñnd mehr in der Achte gewesen sein/ vñnd die sich da von mit ziehen wöllen/ wer darüber sie begert vñnd fordert Supplicatoria in die Bistum dahin das Hoffgericht zurichten hat/ ob man die geben sol/ so vrtheylen die Vrtheylsprecher/ also: Herich sprich zu dem Rechten/ wo der Hoffschreiber sagt daß er so fer kommen sei/ vñnd dann so fahet das gericht an. So dan der Hoffrichter wider sitzt/ so sol er nit vffstehen/ noch den stab von handen geben biß sich das gericht endet/ Vñnd wann er vffsteht/ so ist das Gericht auß/ Es wer dann daß er niergends anders auch wolt/ vñ daß er das in dem Gericht verkündre/ wie man dan desse gesagt ist/ das mag es wol thun. Wo aber jemand gegen de andern sein sach verwillürt in die stat Rotweil zuziehen/ vñnd dieselbig sach da außzurichten/ das mag der Hoffrichter wol thun/ doch sol er darumb fragen/ vñ das mit Vrtheyl zugehn lassen/ vñ was auch also mit Vrtheyl vñ wilkür/ in die Statt Rotweil gezogen wirt/ darumb vrtheyle man mit Achte/ vñnd mit Anleytin/ in der maß als were es vff dem Hoffgericht vñder der linden an offener freier Keyserlicher straf geschehen.

Uñnder Theyl Rotweil- scher Hoffgerichts Ordnung.

Wie man Fürbott oder Ladungen erfordern vñnd nemen sol.

Es mag ein jglicher ein schlecht Fürbot oder ladung durch sich selb oder sein Botschafft an de Hoffrichter oder in der Canzlei/ außershalbē Gerichts erfordern/ die Fürbot/ Ladung/ Verkündung brieff/

Ander Theyl Notweilischer

Anleitbrieff/ vnnnd ander Gerichts brieff sol niemant antworten dann des gerichtts geschwornen Worten. Es sollen auch alle fürbort vnnnd verkündung brieff einem jeden acht tag vor dem Gerichts tag überantwort werden/ ongefählich.

Wie der Hoffrichter den Klägern vff ihre eingebracht Klagen antwortet.

Soder Hoffrichter zu Gericht gesessen/ vnd die vorgeschribnen Fragen alle gethon hat/ wer dann erste oder andere Klag thut/ den heisset er auß Klagen. Wer aber die dritt Klag zu jemand thut/ de heisset bemelter Hoffrichter ruffen.

Wie sich der/der jemand auff das Hoffgericht geladen hat/ halten/ vnd wie er sein Klag setzen sol.

In jetlicher der jemand vff das Hoffgericht geladē hat/ der sol selbst an gedachtem Hoffgericht erscheinen/ vnd sein erste Klag thun / als dann so mag er solche Klag auff dem Hoffgericht derselbigen zeit setzen als Recht ist. Vnd wann einer sein erste Klag thut vnnnd setzen wil/ So fragt der Hoffrichter die Vrtheilspreeher wie der Kläger die setzen sol/ dass es Recht sei/ So ist die Vrtheil darauff also/ dass er die setze mit seiner hand/ vnd mit des Hoffrichters hand oder stab/ vnd in des Klagsfürers hand/ in die zu treiben zu gewin vnd zu verlust/ biß dass es an den eyd geht/ vnnnd dass er benenne ein Summ gelts/ wie hoch er die Klag anschlage/ minder oder mehr/ ongefährlichen.

Wie man Sachen/ die mit Vrtheil vnnnd mit Recht/ oder mit Spruch zu dem Rechten für das Hoffgericht gewisen/ fürnemen sol.

Were auch dass keinerley Sachen mit Vrtheil vnd Recht/ oder mit dem Spruch für das Hoffgericht gewiser würde/ das mag man rechtlich fürnemen/ also dass nit not ist dass ein theil den andern darumb fürlade/ ob dan das ein solche sach/ die nach erkantnuß der Vrtheilspreeher zu Notweil auff dem Hoffgericht daselbst fürzunehmen vnd außgetragen ist/ vñ auch so bedetheyl die die sach angeht/ zugegē seind/ vñ das recht da fordern. Were aber dass nun ein theyl da were/ der Rechts begerte/ so sol dem andern theyl von Hoffgerichts wegē darzu verkündet werdē als Recht ist. Vnd ob sich jemand mit dem andern für das Hoffgericht zu dem Rechten verwillkürt/ so sol man in der Sach nit richten/ ein theyl habe dann dem andern fürgeladen/ als recht ist.

Wie Frawen/ Pfaffen/ vnd Geystliche Leut ire Klag setzen sollen vnd mögen.

So aber Frawen/ Pfaffen/ vnd Geystliche leut ire Klagen setzen wollen/ die sol man zu solchē Beuögtten/ als von Beuögtung hernach begriffen ist/ vñ sollen die satzung thun mit irer hand/ mit des Hoffgerichts hand/ vnd mit ires Vogts hand/ in des Klagsfürers hand/ in vorge schribener weise.

Welcher

Welcher Kranckheyt oder Feindschafft halb

auff das Hoffgericht nit künne / wie er sein klag aufferhalb
Hoffgerichts setzen mag.

Wer welche leut auff das Hoffgericht ladend / vñ die Kläger Kranck-
heyt oder Feindschafft halb / nit können mögen / so dann dieselben sol-
ches mit iren offnen besigelten Brieffen erscheinend / vñ das auff ir
geschworne Eydt behalten / die mögen ire Klagen aufferhalb Hoffgerichtes
setzen an des Hoffgerichts Vnderschreiber oder Procurator / oder ander zu
gewin vñ verlust / mit genügsamen gewalt sbrieff / in besigelter Form.

So einer sein Erste Klag thut / vñd der ange-

klagt oder sein voller Gewalt da ist / vñd dem Kläger
za seiner Klag Antworten wil / Ob der Klä-
ger sein Klag setzen mag.

Wann einer sein erste Klag zu dem fürgeladnen thut / vñd dan der ge-
laden kompt oder jemand von seinem wegen / mit seinem vollen ver-
schribnen gewalt / als oben steht / das zu dem Rechten gnüg ist / vñ
wil im zu seiner Klag antworten / so mag der Kläger sein Klag nit setzen / son-
der er sol dieselben fürnemen / diereil der geladen oder sein Gewalthaber /
da zugegen sein / vñd sich zuantworten erbieten.

So ein Kläger sein Erste Klag thut / vñd der

Angeklagt Gehafftin erscheint / vñd vmb vffschlag bitt / so
mag der Kläger dann zumal sein Klag wol setzen.

Wer auch das der Kläger sein Klag thut / das dan der geladen in sei-
nem offnen Brieff Gehafftin erscheint / vñd vff seinen Eydt sagt /
das er Kranckheyt oder Feindschafft halb / auff das Hoffgericht nit
können möchte / vñd also bäte im auffschlag zugeben / das sol im mit Vrtheil
erkennt werden vñd gedeien / bis zu dem nechsten Hoffgericht / So mag dan
der Kläger sein klag vff dem Hoffgericht an ein Klagsfürer setzen / als Recht
ist. Ob es dann ein sach ist die Ehr vñd den leib nit antriff / So mag dersel-
big nach der Vrtheylsprecher erkantnuß gesetzt werden.

So zwen theyl mit einander in Recht stehnd / vñd die Sach zu Klag vñd
Antwort kompt / vñd ihnen die Vrtheylsprecher der Vrtheyl ein bedencen
nemen / so mögen beide Theyl ire sachen setzen der Vrtheyl von iren wegen
zu erwarten / vñd wann die Vrtheil geöffnet wirt / ist dann das bede theyl o-
der jr einer auff dem Hoffgericht weren / so sol man im darzu verkünden / als
Recht ist

Wie dick man einem Aufschub ge-

ben soll / der Gehafftin erscheinet.

Wer fürgeladen / oder welche verkünde wirt / schreibt der dē Hoffge-
richt in seine offnen besigelten Brieff / vñd sagt vff seinen Eydt / vñ
als hoch er ein warheyt billich sagen soll / das er Feindschafft halb oder

Ander Theyl Notweilicher

franchheit halb seins laibs oder sonst ehafftiger Sachen halb vff das Hoffgericht mit kômen mög/ vnd bit im vffschub zugeben/ man sol im vffschub mit Vrtheil geben/ bisß darnach zu dem nechsten Hoffgericht/ Vnd schreibe er zu dem anderen mal/ wie vor/ man sol ihm aber also Vffschub geben. Schreibe er dann zum dritten mal/ man sol ihm abermals Vffschub geben. Doch so sol zu dem dritten vffschub erkent werden/ daß er dē Kläger durch sich selbst oder sein vollmechtige Botschafft mit seinem vollen verschribnē gewalt des zu dem recht gnüg ist/ darnach zu dem nechsten Hoffgericht/ als im der Vffschub gegeben ist/ antworten/ Wo aber das nit beschehe/ so gibt man im fürhin kein Vffschub mehr/ sonder man leßt dem Kläger sein recht zu im folgen. Welcher aber in acht oder bann were/ der also vmb Vffschub bâte/ vnd das kündlichen gemacht würde/ dem sol man keinen Vffschub geben/ sonder dem Kläger sein recht zu im folgen lassen.

Wie einer der fürgeladen wirt/ ein andern

seinen vollen gewalt geben mag/ in zuerantworten.

So auch fürgeladen wirt/ wil der sich nit selber verantworten/ der mag seinen vollen gewalt mit seinē offnem besigelten brieff geben/ zu gewin vnd verlust einem der in verantwort. Doch ob im ein Eyd zu thun erkent würd/ den sol er selb thun vff dē Hoffgericht. Möcht er aber vff das Hoffgericht nit kômen/ franchheyt oder feindschafft halb/ vnd das er solchs vff seinen Eid in seinē offnem besigelten brieff sagte vñ erscheinter/ so mögen die vrtheilsprecher daruff erkenen/ vñ im mit Vrtheil ein stat oder end bescheiden/ da er solchen Eydt thû/ so sol dan der also geschworen hat/ glaublich besigelt Brieff von den leuten/ vor denen er geschworen hat/ bringen oder schicken vff ein Hoffgericht/ das im in der Vrteil benent wirt/ vnd sol dan darufftaro beschehen was recht ist/ vñ bei solchem Recht mag der Kläger sein/ oder sein Botschafft dahin schicken/ zusehen daß der angeklagte den Eyd also thû/ Ob dann der Kläger oder sein Bote geleyd darzu bedürffen/ so sol man inen das geben/ als des Hoffgerichtes Recht ist.

Was gewalts ein Statt/ Dorff/ Commun/

das vffs Hoffgericht geladen oder dem daruff verkündt ist/ haben soll.

So ein Statt/ Dorff/ oder Commun geladen wirt/ vnd sich mit freyheiten von dem Hoffgericht nit zeucht/ sonder zu der Klag antworten wolt/ da sol ein Statt zweyen/ oder zu dem minsten einē irs Rathes/ iren vollen verschribnen gewalt zu gewin vnd zu verlust mit einem besigelten gewalts büeff/ vnder irem anhangenden Insigel geben/ Ein Dorff oder Commun zweyen irs Gerichts/ in vorgeschribner maß. Vnd were es daß einer an einer Commun statt/ sich in dem Rechten erbeit dem Kläger zu antworten/ vnd sich dann verfürsprecht im Rechten/ vnd aber nit vollen gewalt hat/ so sol man dem Kläger die Klag die er dannzumal thût/ zu der Commun volgen lassen/ vnd ob es die dritte Klag were/ so sol man die dem Kläger auch folgen lassen/ vnd auß solcher acht mag dan die Commun/ ob sie wil/ vff Recht sich ledigen/ wie man sie dan vff Recht darauß lassen sol/ alles wie Recht ist. Desgleichen sol auch gehalten werden/ so einer ein sondere person obberürter maß vermeint im Rechten zuuertreten/ vnd des nit gewalt hette.

Ob aber ein Statt/Dorff/ oder Commun/ die mit Fürbotten odder mit Verkündungen fürgefodert woren/ vnd Feindschafft halb zwen oder einē jres Raths oder Gerichtes/ mit jrem vollen verschribnem gewalt/ in vorge- schribener maß/nicht getrawen sicher zuschicken/ die mögen zwoyen bider- mannen/ oder einem/ dem sie verschribnen gewalt geben/ in ob begriffner maß/ sie zuerantworten/ die oder der mögen sich dann solchem nach auff dem Hoffgericht verantworten/ in aller der maß/ als ob sie jres Raths o- der Gerichtes woren. Doch sollen sie in jrem offnem besigelten Brieff dem Hoffgericht schreiben/ vnnnd vff jr Eyde sagen/ daß sie jr Raths oder Ge- richtes Botschafft nit getrawen vff das Hoffgericht sicher zuschicken. Vñ ob es sich in dem Rechten gefügte das dem Commun/ dem Rath oder dem Gericht Eyde zuthun erkent würden/ die sollen sie thün vor dem nechsten Erbaren Edelmann/ odder vor dem Amptmann der nechsten Statt/ die bei ihnen gesessen vnnnd gelegen ist/ Vnnnd sollen solche Eyde in gegenwer- tigkeyt des Klägers odder seiner Botschafft thün vnnnd erstatten/ denen zu solchem verkündet sol werden. Nachmals sollen sie einen offenen brieff/ vnder des/ davor sie den Eyd gethon/ anhangendem Insigel/ auff das Hoffgericht/ da jn mit Ortheyl bescheiden würt/ schicken/ vnd fürbaß darüber Ortheyl gehen lassen/ als sich gebürt.

Was Sachen man auff Verkündung

vff dem Hoffgericht setzen oder nicht setzen mag.

Welcher den andern mit Verkündung vmb Sachen/ die den Leib o- der die ehr berühren/ fürnimpt/ solch Sach mag er an keinen Klagsfü- rer setzen/ sonder er sol derselbigen selbs aufwarten/ vnd so der Klä- ger den antworter also im Acht erklagt/ dann so mag er das setzen an einen Klagsfürer/ jn die Anleytung zutreiben/ Oder ob der ächter enthalten/ oder ob der Kläger an den gütern/ die er eruolgt hat/ von jemand gejrit würt/ solchs alles von seinem wegen zu klagen. So aber jemand vmb Sach die den Leib vnd die ehr nit belangent/ mit verkündung fürgenommen würt/ wann der vertagt nit vff den bestimpten tag kompt/ vnd erscheint aber Le- haffin/ daß jn vffschlag gegeben würt/ so mag der Kläger dannzumal die Sach auff das Hoffgericht wol an einen Klagsfürer setzen/ jn dieselbige zu- treiben/ bisß das es an den Eyd gehet/ alles vmb ein Summa gelts/ die der Kläger benennen sol/ als des Hoffgerichts recht ist.

Dritt Theyl Rotweilischer

Hoffgerichts Ordnung.

Wie vnd wen man weiset von dem Hoffge-
richt/ nach Freiheit besage.

Dein Fürst/ Herr/ Statt oder jemäd Geistlich oder weltlich/ die für das Hoffgericht zu Rotweil von Römischen Keysern oder Könige begnadet oder gefreiet sem/ sich selbs oder die jrē/ die vff dz Hoffge- richt mit Fürbotten oder verkündungen fürgefodert/ damit von dannē zie- hen vnd fordern wollen/ die sollen die Freiheit oder Vidimus vnder vnfers Herrn des Römischen Keyser oder Königs Hoffgerichts Insigel/ oder vn- der des Hoffgerichtes zu Rotweil/ vor Gericht zeyge vnd verhöre lassen/ da- mit der Kläger wissen mög/ wo er seine Rechten nachkommen sol/ Vnd sonst sol

Hoffgerichts Ordnung.

sol man keinem andern Vidimus glauben/ Es sol auch alweghen bei solchẽ
Freiheytẽ/ damit man jemand von dem Hoffgericht ziehen wil/ die bestetigung
derselbigen freiheyt sein/ vñ gezeit werden von dem Keyser oder Kõ-
nig ausgegangen/ der dazumal reich sinet/ Dann wo die bestetigung nit dar-
bei were/ so verfabet die freiheyt on die bestetigung gar nichts/ vñ ist solchs
kein Fürst/ Her/ Statt/ oder sonst jemand vberhaben/ allein außgenom-
men des Heyligen Rõmischen Reichs Churfürsten/ Geislich vnd weltlich
die bedörffen jr Freihaiten noch derselben Vidimus vff dem Hoffgericht/
so sie die jren von dannen ziehen wõllen/ nit zeygen/ dann jr Freihait in der
Guldin Bull begriffen/ Vnd wann sie die jren von gedachtem Hoffgericht
ziehen wõllen/ das mögen sie mit jren besigelten brieffen thün/ daruff man
die jren also weisen sol/ Ob dann solchs ein sach die von Recht vnd von des
Hoffgerichts herkommen zuwissen ist/ so ist nicht not/ das die Votten Ge-
waltsbrieff haben von denen so die jren ziehen wõllen/ Dann wann sie die
Freihait oder glaublich Vidimus haben/ als vorbegriffen/ so ist es genüg.

Wie der so die Freihait zeygt/ vnd also einen

nach Freihait sag ziehen oder abforderen wil/ ihn mit sei-
nem Eydt behalten soll für des Herren diener/ man/ oder
der Statt Burger/ oder den jren/ so ferz der
Kläger solchs erfordert.

Wer auch die seinen mit Freihait von dem Hoffgericht zeucht/ wil
dan der Kläger des nit entbren/ so sol der die freihait zeygt/ den den
er damit von dannen ziehen wil/ mit seinem geschwornen Eydt be-
haben/ das er des Herren diener/ oder der sein oder der Statt Burger/ vnd
der jre gewesen sei/ vor vnd ehe dann im das Fürbott worden ist/ vñnd also
noch sei/ Dan wo das nit geschicht/ so sol man dem Kläger sein Recht auff
dem Hoffgericht zu ihm volgen lassen/ es wer dann das ein solcher der die
Freihait zeygt/ vnd des ein Bott ist/ sich dazumal darumb nit entstündet/
so sol man im tag geben bis darnach zu dem nechsten Hoffgericht/ das er
sich darumb erfare vnd wisse/ das er gewarlich thün möge/ Welcher Kläger
aber solchs nit fõrdert/ so weist man die sach für sich dar/ wie begert wor-
den

Wo die Freihait kein zeit inhalt/ darinn man

dem Kläger Recht ergeben lassen sol/ Was zeit im mit Vrttheyl
vnd sicherheit erkent würt.

Wer auch mit Freihaiten also von dem Hoffgericht gezogen würt/
so dann die Freihait mit ein bestimpt zeit inhaltet/ darinn man dem
Kläger das Recht gelangen/ vnd auftrag kõmen lassen sol/ sol de
Kläger mit Vrttheyl erkennen werden/ das im das Recht nach seiner erfor-
derung in den nechsten sechs wochen vñ dreien tagen/ ongeuerlich/ aufstreg-
lich gelangen/ das auch der Her/ oder die Statt/ die den jren also mit Frei-
haiten abforderen/ dem Kläger oder seiner Vottschafft/ auch wen er mit
im bringt/ ungeuerlich trost vñ sicherheit haben zu dem Rechten/ bei dem
Rechten/ vnd wider von dem Rechten bis an jr gewarsame. Vñnd sol der
der also gezogen würt/ vñnd der Freiheit genenst/ dem Kläger des ein bes-
gelten geleydzbrieff schicken bis zu dem nechsten Hoffgericht/ ob dan der
Kläger des begert/ an die end da er gefessen ist/ ongeuerlich.

Wo auch ein Kläger / der jemand vff das Hoffgericht geladen / oder ihm verkünden lassen het / nicht erschine oder klagte / auch niemand von seinem wegen solche thäte.

Rompt dann der geladen oder dem verkündet ist / oder jemand von seinen wegen / vnd wil sich verantworten oder mit Freheiten ziehē / so sol man allein das Fürbott oder die verkündungē mit Vitheyl abtēnen / daß sie dannzumal tod vnnnd abseien / vnd sol mit fürbaß Vitheylen / weder die Sach zuweisen.

Vmb diß nachgeschriben Stuck wirt niemand vff freheiten von dem Hoffgericht gewisen / ob wol die Freheiten oder Vidimus in vorgeschribener maß erschein / vnnnd auff dem Hoffgericht gezeigt werden.

Vdem Ersten / Welcher ein offener verschriebener ächter oder ein bänziger ist / vnd das kündlich gemacht vnd fürgebracht wirt mit Vikunt oder Brieffen / als dan des Hoffgerichts Recht ist / der geneußt Keyserlicher Freihert / vnd wirt mit nach Freihert sage gewiset.

Item welcher sich Freihert begeben vñ verzihen hat in besigelten Brieffen / der geneußt jr nit.

Item / welcher nach Freihert sag gewiset wirt / ist dann daß dem Kläger sein Recht in der zeit so in der Freihert bestimpt / von dem der gewisen ist nicht gelangt / oder ob die Freihert das nicht inhielt / oder der zeit wie auff dem Hoffgericht zu Rotweil / als oben stehet / mit vitheyl bescheyden worden / also daß der Kläger Rechtloß gelassen wirt / vnd sich solchs Redlich erfinde / so laßt man dem Kläger sein Klag auff dem Hoffgericht fürs folgen / als sich gebürt.

Item / Wem offene verschriebene ächter verboten werden mit des Hoffgerichts geschwornen Botten / vnnnd besigelten Brieffen / verachten sie das Hoffgerichts Bott / vnd halten darüber die ächter in iren Schlossen oder wonungen / darin sie verboten werden / Klagt das der Kläger / so wirt inen darumb verkündet mit des Hoffgerichts besigelten Brieff vnd geschwornen Botten / dieselbigen weist man auch mit nach Freihertsage / Es were dan daß sie von Römischen Keysern oder Königen begnadet vnd befreiet weren / offene ächter zu enthalten vnnnd zu gemeinsamen / des genießen sie / so die Freihert oder glaublich Vidimus / als vormals von Vidimus gesagt ist / vff dem Hoffgericht danzumal gezeigt werden / Würde aber einer Statt verkündet / daß sie offne ächter zu enthalten het / die behert / vnd nit für sich selbs were / Verantwortet dann die solchs durch ire Ratsbotten / sie seien der Statt nit gewaltig / dan ire Herren mögen auß vnd einlassen wen sie wöllen / Mögen dan solchs ire Ratsbotten / die solchen gewalt haben des zu dem Rechten gnüg ist / schweren zu den Heyligen / daß dem also ist / so wirt die Stat der ansprach ledig erkent. Ob aber die Botschafft die das mit irem vollen gewalt verantwort / nit ihres Rahts oder Gerichts were / so sol der oberst Amptman oder Vogt mit im / der Rath vnd die Richter der selben Statt / des schweren vor einem Amptman oder Vogt in der nechsten Statt dabei.

Von der Fürsten oder Herren diener / die offne ächter halten wider des Hoffgerichts gebott.

Vierde Theyl Rotweilischer

Were aber daß die die offne ächter enthalten hetten/ Fürsten odder Herren diener weren/ die sie mit irer Freiheit forderten/ dammen zuweisen/ oder ob die Fürsten oder Herren gefreiet weren/ das sie offne ächter in iren Schlossen halten möchten/ vnd vermeinten also/ ire diener sollen der Freiheit auch geniessen/ Da geniessen die diener irer Herren Freiheit an dem end mit/ Es were dan daß die Fürsten oder Herren gefreiet weren/ daß sie vnd ire diener in iren Schlossen offen ächter enthalten möchten/ so geniessen sie des souil Recht ist.

Vierd Theyl Rotweilischer Hoffgerichts Ordnung.

Diese nachgeschribene Stuck vnd desgleichen des Hoffgerichts Lehaffin berürende/ ist ein jeglicher Hoffrichter des Hoffgerichts zu Rotweil/ von seins Lyds wegen/ so er dem Heiligen Reich vnd auch einem Rath zu Rotweil/ von eines Hoffgerichts wegen gethan hat/ schuldig vnd pflichtig vff de Hoffgericht zu Rotweil mit Recht zu straffen vnd zurecht fertigen/ vnd wer sich damit vbersethet/ vnd von jm darumb mit Recht fürgenomen wirt/ den weist man auch nit nach Freiheit sag/ vnd sol man jm darumb verkünden.

Zu dem Ersten/ Wer sich vndersteht das Hoffgericht zu schmehen oder zubekrencken an seinen gnaden/ Freiheiten vnd altem herkommen/ Es sei vber das Hoffgericht zurichten/ oder mit andern Sachen.

Item/ Wer des Hoffgerichts geschwoone Botten/ so sie des Hoffgerichts Brieff tragend vnd antwoitē/ nach des Hoffgerichts Recht vñ herkommen/ mißhandelt mit schlagen/ fahen/ oder mit anderen vnzüchten beledigte.

Item/ wer die so das Hoffgericht suchend oder treibend/ fahet/ oder trenget davon zulassen/ Wer auch vff dieselbigē vff des Reichs straffen haltet.

Item/ welcher Kläger einen ächter/ so er den anfallet in einem Gericht nit zurecht stellet/ oder in von jemandt entwert/ oder so der Kläger darumb gefangen oder mißhandelt würde ic.

Item/ Were auch daß jemand das Hoffgericht schmächte in gegenwertigkeit des Hoffrichters so er das Hoffgericht besesse/ es were daß jemand die Vrtheilspreeher mißhandelt/ vff sie trünge/ oder jemand den andern der vff das Hoffgericht kommen/ in schläg/ odder so der Hoffrichter jemand geböt zuschweigen bei des Hoffgerichts peenen/ vnd das nit thäte/ sonder freuenlich vberfüre/ der jeglicher ist dem Hoffrichter verfallen sechzig pfund pfündiger pfenning/ darumb mag der Hoffrichter danzumal zu jm Richte/ so er jm sein Klage dannzumal nit warten wolt/ so mag er das mit Klage fürnemen/ vnd sol man jm darumb verkündē als Recht ist/ Vnd verantwort er das nit als Recht ist/ so sol man darumb zu jm mit Acht vñ Anleite Richten wie Recht ist.

Item ob auch jemand den andern auff dem Hoffgericht zu tod schläg/ wirt der selb ergriffen/ der sol vor der Statt Rotweil gericht / geurtheylet werden/ vnd sol mit jm gefaren werden als jr Statt Recht ist. Entrint aber er/ der Hoffrichter sol darumb zu jm mit der Acht Richte/ vnd in allenthalb verbieten/ wo man in begreifen vnd betretten möge/ daß man zu jm mit dem Schwerdt nach des Heiligen Reichs recht richten solle.

Fünffte Theyl Lotweili-
scher Hoffgerichts Ordnung.

Wan einer dem andern antwortet
 vnd im Rechten fellig wirt.

Item klagt einer zu dem andern/vñ der angeklagt antwort im durch
 sich selbs oder sein volmechtige Botschafft/wirt er im dan im Rech-
 ten fellig/so richtet man zu im mit Acht vñ Anleytung/Vnd soll der
 Hoffrichter in on des Klägers willen/auff solcher Acht nit lassen/des auch
 zuthun nit mache haben. Ist es aber sonst ein Acht mit ingehn vff ein vnge-
 horsame/mag derselbig vffrecht daruon gelassen werden.

Wie einer seinen Eyde thun mag für das
 darumb er angeklagt würde.

So ein Kläger einen angeklagt/des der angeklagt leugnet/es sei vmb
 schuld oder anders/da mag der angeklagt dafür das recht thun/vñ
 mag der Kläger im mit keinerley zeugnis beweisen/Es were dann
 mit besigelten Schuldbriefsen oder andern bekantnissen vñ vergichtbrief-
 sen/von dem Angeklagten oder seinen vorfaren vffgericht/die binden dan
 sonil als recht vñ billich ist. doch außgenommen die hinach bestimpten stuck/
 darumb erkent man fürbringen vnd kundschafft.

Vff die nachbenante stuck erkent man
 fürbringen vnd kundschafft.

Item zu dem ersten/Wo zwen teil mit einander stössig sein von güt-
 ter wegen/ob die Lehen oder eigen seien/da verhöret man Brieff vnd
 leute/vnd mag jederteil biss an vierzehen man leiten/vnnd darüber
 nit/aber darunder/als sich dann beid theil der zal der Zeugen vereinigen.

Item ob aber jemand dem andern sein hand niderziehen/vnd in mit sei-
 nem leib weisen wolte des darumb im ein Lidt zuthun erkent were/Da-
 rumb sollen die Urteilsprecher sich mit weißheit besprechen/was darinn zu-
 lassen/zuthun oder Recht ist.

*Hodie offerens se probaturum suam impetitionem per Duellum, secundū
 Leges, non est admittendus, quia sunt prohibita. L. Vnica C. de Gladiato.*

Item von güter wegen die an einander stoffend/vnd jetweder teil ver-
 meint der ander niesse im sein gut/In solchem teyl erkent man jedem theyl
 sein kundschafft zuleiten biss an vierzehen mann/vnd nit darüber/als vorge-
 schriben steht.

Item wo einer mit dem andern stössig wer von eines Heyrats vnd einer
 gemahlschafft wegen/die nit verbrieft noch versigelt/vnd dabei leut ge-
 wesen weren/da verhöret man die/die an dem ring gestanden vñ dabei ge-
 wesen sind/vnnd mans namen/da der Heyrat oder gemahlschafft eröffnet
 ward/vnd was dieselben darumb sagen/dabei bleibt es. Wo aber diesel-
 bigen alle von todt abgangen weren/vnd jr keiner mehr in leben/so richtet
 man in derselbigen Sach als in einer andern Sach.

Welche fraw in jr Jungfräwlichen stand zu Kirchen gefürt ist/die mag
 jr morgengab selb durt behaltē/es seien man oder frawen/sol die fraw des

Fünffte Theyl Notweillicher

ersten/ vnnnd darnach die zwey hinach/ daß sie das gesehen/ gehört/ dabei vnnnd mit gewesen seien/ ihr die morgengab gegeben vnnnd verheyssen sei.

Wo einem Kundschafft ertheilt würd/ vnnnd

er die nit fürbringeret/ vnnnd sich inn solchem fürbringen saumpt.

Dem klagt einer zu einem/ vnnnd der angeklagt nit würd ihm durch sich selbs oder sein volmechtige Botschafft/ vnnnd würd da in solchen Rechten beiden theylen oder ihr einem Kundschafft erkant fürzubringen vff ein benant Hoffgericht/ Bringt der angeklagt sein Kundschafft vff das selbe Hoffgericht nit für/ oder daß er als dann nit Ehafft sein offnen Brieff vff seinen Eyd was in daran geit odder verhindert er scheint/ als dann recht ist/ so hat der Kläger sein Ansprach gegen ihm be- hebt/ vnnnd richt man im darumb zu dem Angeklagten mit Acht vnnnd Anley- tung/ Auß welcher Acht sol vnnnd mag ihn der Hoffrichter nit lassen/ on des Klägers willen. Were aber daß der Kläger seine Kundschafft nit fürbrecht/ vnnnd sich saumpte/ daß er vff das Hoffgericht nit käme/ vnnnd auch nit Ehafft in in vorgeschribner maß erscheinet/ so ist der Angeklagt der Ansprach von dem Kläger ledig/ ic.

Von Schuldbriefen.

Dem welcher Schuldbrieff hat die vberzehen jar alt sind/ schweret der den mann anklaget/ daß er nit wisse ihm darbeiichts schuldig zu sein/ noch daß er nit wisse daß die schuld an in oder an den/ von dem die vermeinte schuld herüret/ inn zehen jaren Rechtlich nie erfordert sei/ so werden die Schuldbrieff für vntreffig vnnnd vnmechtig gesprochen/ Es were dan daß der Kläger fürbringen möcht mit Redlicher Kundschafft/ daß er oder der von dem die schuld an in kommen were/ die schuld mit Rechte erfordert het innerhalb zehen jaren/ vnnnd ehe die zehen Jar verschinen were/ Solche Kundschafft sol sein mit Gerichts brieffen geistlichen oder weltlichen/ oder mit Gerichts leuten/ da vnnnd vordene solche schuld mit Rechte erfordert ist.

Von Hauptbrieffen/ vmb Järliche Zins

die verlegenheiffend.

Wo jemand Hauptbrieff hat vmb Järliche Zins/ stünden dann de selbigen mehr dann zehen Zins auß vnvergolten/ vnnnd hat er oder der von de der Zins an in kommen ist/ ob sie zu ihren tagen komme gewesen seind/ denselben Zins in zehen jaren nit genossen/ noch die die den Zins vorgehalten haben/ auch innerhalb der zehen Jar darumb mit Rechte lich angelangt. Ob er dan im Land gewesen ist/ vnnnd das der Kläger des sol- che Kundschafft/ als vor begriffen ist/ nit gehabt odder fürbringen mag/ wo dann das von dem angeklagten fürgewendt wirt/ vnnnd er schweren mag daß er im dabei nichts wiß schuldig zu sein/ vnnnd daß er nit wiß daß solche schuld in zehen jaren an in/ wie oben steht/ erfordert sei/ so wirt dem Kläger sein hauptbrieff für vntreffig vnnnd vnmechtig gesprochen.

Von Alten Hauptbrieffen vmb Zins/

die nit verlegen heiffen.

Were auch daß einer einen alten Hauptbrieff umb Zins hette/ vnd im vnder zehen Zinsen vnuergolten außstundt/ vnder Angeklagt in dem Rechten im antworter vnd sprech/ der Brieff were als ein vngenossen vnd verlegner Brieff/ vnd er het den Zins in zwölff/ zwentzig/ dreißig/ xl. oder l. jaren oder in lenger zeit dann lands recht wer/ nicht genossen.

So dann der Kläger sagte/ er hette solche Zins biß vff die Zins/ darnach er klagte/ genossen/ vnd daß im auch nit mehr Zins vnuergolten außstundt/ dann die allein darnach er geklagt hat/ vnd mag des schweren zu den heiligen/ er geneuße des/ vnd bleibe bei seinem Hauptbrieff.

Wievil Zins einer behaben mag.

Item wer zu einem vmb verfestene Zins klaget/ der sol vnd mag nit mehr verfestner Zins mit seinem Eyde beheben dan fünf Zins/ Vnd vmb die vbrigen Zins mag er dem der im schuldig ist/ zusprechē/ als vmb ein schuldt. Also ob der angeklagt meinte daß er im die nit schuldig sei/ so mag er das Recht dafür thün/ ob er wil.

Von kosten vnd schaden wegen.

Item man ertheilt niemand kosten noch schade/ dann vmb verbriefte Zins gültē/ da die Brieff kosten vnd schaden weisend vnd besagend.

Es were dann daß einer einem kosten vnd schaden versprochen hette zu bezalen/ vnd daß der angeklagt des gichtig vnd anred were/ so bezalt er im billich kosten vnd schaden/ doch daß er den schaden kündlich mache/ nach erkantnus der Vrtheylsreicher. Wirt aber einer in Acht erklagt/ vnd in das Achtlich geschriben/ kompt er darnach vff Recht auß Acht/ vñ wirt dem Kläger vmb das Hauptgut sellig/ wiewol er im den schaden nit verheissen/ noch sich darumb gegen im verscriben hat/ dannocht sol er im allen kostē mit dem Hauptgut bezalen/ der dem Kläger von Gerichtes wegen darauff gangen ist/ das ist vmb brieff/ das inschreibgelt der Acht/ Item Klagon dē Zinsprechen/ vnd bottenlon/ was er dessen außgeben hat/ vnd sich an des Hoffgerichts Anpfeuten erfindt.

Von Erb wegen/ das einem besetzten Gericht gefallen ist.

Wer dem andern vmb Erb zülagt/ das in einem besetzten Gerichte gefallen/ da die Person/ von der das Erb gefallen/ in demselben Gerichte gefessen gewesen ist/ vnd vnder das selb Gerichte gehört hat/ darumb weiset man beide theyl an die end/ da das Erb gefallen ist zum Rechten.

Von Erb das vff dem Land gefallen ist.

Laget jemand zu dem andern vmb Erb/ das vff dem Land/ vnd nit in ein besetzten Gerichte/ als vorbegriffen ist/ gefallen were/ so lasse man darumb Recht ergehn vff dem Hoffgericht/ die sach wirt dan mit Freiheit hinweg gezogen.

Wer ein ganz Gerichte beklaget/ das im anderst geurtheilt dann billich vnd Recht were.

So jemand ein Gericht für fordert vnd ladet vñ das das er vermeint
te/ er were durch das desselben Gerichts Vrteil beschwert/ vnd ihm
anderst geurtheilt / dan billich vnd Recht/ da dann der Kläger mit
willkür in dasselb Recht getreten ist/ solchs Rechtfertigt das Hoffgericht
mit/ dann warüber in solchem fall geurtheyle ist/ dabei laßt man das bleibē/
dann so fer von der Landgericht wegen/ die da vbergreifen vnd Richten/
über die sie nitzurichten haben/ die werden darumb fürgenommen/ als her
nach begriffen ist.

Desgleichen ist es vmb Vrtheyle vnd Sprüch/ die vor einem gemeinen
vnd gleichen zusatz gesprochen vnd volgangen seind/ dabei laßt man es blei-
ben/ wo sich das erfunde.

Wie jemand den andern vmb ein Sach einan-
der beid fürnemen wolten/ darumb vormala vrtheil
ergangen were.

So jemand mit dem andern in Willkürten Rechten gestanden/ vñnd
die Vrtheil vmb die Sach gangen were/ vnd wolte da ein theyl den
andern vmb solche Sach vff dem Hoffgericht fürnemen/ vñnd ver-
meinen wolt/ das Recht da von newemanzufahen/ das Hoffgericht bela-
det sich der Sach nit/ vñ laßt das bleiben bei der Vrteil die vor/ deshalb er-
gangen ist/ wo sich das erfunde.

So einer vermeint von einem veranlaß-
ten Rechten zu gehen.

Were auch das sich zwen theil gegen einander veranlaßten/ oder ver-
willkürte zu dem Rechten für Gericht oder vff gemein / vñ ein theil
darvon gieng/ vñnd den andern darumb vff das Hoffgericht lüder
vñnd meint die Sach da fürzunehmen/ so sol man darumb vff dem Hoffge-
richt nit richten / sonder die Sach weisen an die ende dahin sie veranlaßet
vnd verwillkürt/ ob es dann erfindet/ das es also verwillkürt oder veranlaßt
ist.

Von Lehen wegen.

So jemand dem andern von Eigenschafft eins güts / das Lehen ist/
zuspricht/ erfindet sich dan/ das es Lehen ist/ so weist man die sach
für die Lehen heren.

Were aber das einer dem andern vmb ergangen gült oder Zinse / auß ei-
nem güte das Lehen were/ zuspreche/ darumb sol man die Sach nicht weisen
für den Lehenheren.

So aber jemand der Zins vnd Gült hat auß einem güte / das Lehen ist/
vñnd derselb dem der Zins darauß geht/ dem der den Zins gibt/ zuspricht/
vnd er das Lehengüte innhat / vnd aber derselb vermeint / der Zins sei auß
dem güte verkauft/ on des Lehenheren günst vnd willen / vnd erfindet sich
das dem also ist/ Mann sol darüber vff dem Hoffgericht nit richten/ sonder
bede theyl darumb weisen für den Lehenheren.

Hoffgerichts Ordnung. VIII
Sechste Theyl Rotweil-
scher Hoffgerichts Ordnung.

Umb dise hienachbenannten Stuck verkünde man denselbigen Thätern/ wie die Kläger das in Blagsweise fürnemend/ vnnnd vmb die stück/ die da den leib vnnnd die ehr angehen/ sol len dieselben thäter/ so jnen darumb verkündet wirt/ mit jr selbs leiben ant wortē also daß sie mögen mit irem vollē gewalt jemand empfelhen noch geben. Es were dann daß jr einer vff seinen Lide gesagen möcht/ daß er feind schafft oder franchtheyt halb seines leibs/ vff das Hoffgericht nit kommen möcht/ das sol er auch in seinem offenē Brieff thun/ Dann so mag er einem andern seinen vollen verschribnen gewalt geben zu dem Rechte/ das gnüg ist.

Item zu dem ersten/ wo jemand dē andern seinen vatter/ sein mutter brüder/ Schwester/ odder einen andern seiner nechsten freund/ da er von Sippschafft der nechst ist/ ermöidet.

Item wo jemand dem andern seinen freundt zu todt schlegt/ vnd vom leben zu dem todt bringe.

Item wo jemandt dem andern das sein raublich/ wider Gott vñ Recht/ tags oder nachts/ vff des heiligen Reichs strassen nimpt/ oder in fahet.

Item wo jemand dem andern das sein brennet.

So einer dem andern ein mütwillig Feindschafft gesagt/ vnnnd schaden gethon hat/ den bekennen sol.

Item wer von jemand klagt/ daß er jm ein mütwillig vnredlich feind schafft gesagt hab/ ist dann daß der angeklagt fürkompt/ vñ die sacht vñ nit mit Freiheit von dem Hoff zu Rotweil gezogen wirt/ erfindt sich dann daß die feindschafft mütwillig vnd wider Recht ist/ so wirt erckennet/ daß er dieselben abthun sol on verziehen/ oder man Richtet dem Kläger zu jm mit Acht vnd mit Anleiten/ vnd hat er dem Kläger in solcher mütwilliger feindschafft schaden zugefügt vnd gethon/ durch sich oder seine helffer/ es sei mit nam/ mit brand/ oder andern Sachen/ er sol ihm den schaden dar zu ablegen vnd bezalen/ als vil er des kündelich machen mag/ alles nach des Hoffgerichts erkandtnuß. Oder man sol dem Kläger darumb zu jm Richter mit Acht vnd anleiten.

Item wo jemand klagt daß er gegen einem nach freihert sag geweiset ist/ vnd daß jm vff solchs sein Recht in solcher zeit als Urtheil vnd Recht gegeben hat/ nicht gelanget sei/ Oder daß jm Geleyd vnd tröstung nach desselben Brieff nit gegeben vnd nachgeschickt/ als jm dann erckent sei.

So jemand in Acht gethon/ oder so vber in Gericht were an einē Landgericht/ darinn er nit gehöret noch darinn gefessen were.

Wer von jemand klagt/ daß er offne ächter enthalten habe.

Item daß er in an seinem erlangten vnnnd erfolgten Rechten saume oder verhindere.

Dritt Theyl Kotweilicher

Wer dem andern das sein raublich nimpt &c.

Welcher dem andern das sein wider Gott vnd Recht / raublichen vnd vnwidersagt nimpt / klagt er das dem es geschicht / man sol im darumb verkünden / vnd bleibt die Sach zu dem Rechten vff dem Hoffgericht / vnd mit Freiheyten nit hinweg gezogen wirt / klagt der Kläger im vmb die geschicht nach des Reichs Recht zurichten / man sol zu im richten mit Acht vnd anleiten / als des Reichs recht ist / wann sich das redlich erfindt.

Klagt aber der Kläger vmb bekerung vnd wandel des schadens / so im oder den seinen zugefügt ist / Was er im dan schadens gethon hat / den sol er im bezalen vnd wandeln / nach des Gerichts erkantnis / was er des kündlich machen vnd fürbringen mag / als Recht ist.

Vnd vmb alle Sach / darumb man verkündt / sol des Hoffgerichts Gott der die verkündung getragen hat / vff dem Hoffgericht / zu Gott vnd den Heiligen schweren / daß er die verkündung geantwort hab / als recht ist.

Sibendt Theyl Kotweilicher Hoffgerichts Ordnung

Vmb dise nachfolgende Stuck mag man die leut inn Acht schweren.

Das erst / Wo jemand dem andern seinen vatter / mutter vnd seinen brüder / Schwester oder einen andern seinen nahen freund / da er der Nächst ist von Sipschafft / ermödet.

Das ander / Wo jemand dem andern also seinen freund zutod schlegt / oder von dem leben zu dem todt bringt.

Das dritte / Wo jemand dem andern das sein raublich wider Gott vnd Recht nimpt / tags oder nachts vff des Reichs strassen / oder so er in fahet.

Das vierdt / So einer dem andern das sein brennet / wider Gott / vñ vnerfolgt des Rechten.

Vmb die vorgeschribene vier Stuck / so der Kläger kompt / vnd das vff dem Hoffgericht klagt / vnd sich erbeit / daß er demselben Thäter / jr sei einer oder mehr / in Acht schweren wil / so wirt erkent mit Vrteyl / daß er selbst in Acht schweren sol vnd mög / vñ sol der Kläger voran schweren / daß im kundt vnd wissen sei / daß der oder dieselben Thäter das gethon haben / so sollen zween Erbar vnuersprochen man vff in schweren / daß ihn kundt vnd wissen daß de also sei / vff das schreibt man dem Kläger dieselben Thäter in Acht / vnd gibt im Achtbrieff / Anleytbrieff / Verbiethbrieff vnd ander Gerichtsbrieff. Der Kläger möcht auch / ob er wolt / die selben Thäter mit verkündungen vmb die vorgeschribnen vier stück fürnemē / als dan das vor auch mit den verkündungen gemelt ist / vnd auß der Acht / darinn einer geschworn wirt / als vorgeschriben ist / mag noch sol der Hoffrichter ihn nit lassen / dann mit des Klägers willen.

Wie der so in Acht geschworen ist / sich

dauon mit seinem Eydt ziehen mag.

Kompt aber der also in Acht geschworen ist / vff das Hoffgericht / vñ spricht / er sei der mustethat vnschuldig / darumb er in Acht geschworen ist.

ten ist/ So mag er sich mit seiner einigen handt vor dem Hoffgericht von der Acht schweren/ vñnd ist deshalb on noth daß mann dem Kläger darzu verkünde/ Vñnd wan er also geschweret/ hat dann der Kläger die Acht vff in oder sein güt erlangt vñnd eruolet/ das ist tod vñnd ab/ Vñnd sol ihn der Hoffschreiber von der Acht schreiben/ dargegen bedarffer keinen Achtschilling/ noch kein vffschreib gelt geben.

Wo aber daß der/ der einen von dem leben zu dem tod gebracht het vñnd in Acht geschworen wirt/ der kompt für das Hoffgericht/ vñnd der dē er den todschlag gethon habē sol/ sagt er hab das angefangen vñ an in gebracht/ vñnd er hab sich seins lebens retten vñnd weren müssen/ hab auch sein lebē anders nit dan durch den angeklagten todschlag behalten mögen. So er dan vff solchs mag darstehn vñnd schweren einen gelerten Eyd zu Gott vñnd den heyligen/ daß dem also sei/ vñnd darzu sechs Erbar vnuersprochner man/ die dan auch solch Eyd schweren/ daß sie das gesehen haben/ vñnd daß dem also/ auch daß jnen das kund vñnd wissen sei/ so sol man in von der Acht lassen.

Acht Theyl Rotweilischer Hoffgerichts Ordnung.

Von der Landgericht wegen / die vñnder das Hoffgerichte gehören/ vñnd an den enden gelegen seind/ dahin das Hoffgerichte zurichten hat / so die übergreifen vñnd vber die Richten/ die in jr Landtgericht nicht gehören/ noch in derselben Landtgraffschafft sein/ wie man sich gegen jnen haltet/ vñnd was darumb geurteilt wirt so das zu klag kompt.

Wann die Landgericht die an den enden gelegen seind / dahin das Hoffgericht Richten übergreifend vñnd außserhalb den Landtgraffschafften/ vñnd ferner vñnd weiter richtend dan sie zurichten haben/ vñnd dann daß mit klag für das Hoffgericht kompt/ so wirt dem Landtgericht vñnd den Vrtheilsprechern des Landtgerichtes da das geschehen ist/ vñnd auch dem/ der solchs vff dem Landgericht wider jemand gethon vñnd fürgenomen hat/ von dem Hoffrichter verkündet/ mit des Hoffgerichts geschwornen botten vñnd besigelten Brieff/ Antworten sie dann/ vñnd darzu erscheinen/ so sich dann befindet daß der darüber sie gerichtet haben/ in jr gericht mit gehört/ noch darin gefessen ist/ so wirt an dem Hoffgericht zu Rotweil/ als an dem obersten des heilige Reichs Gericht in Teutschen Landē/ das solch vbergriff zurecht fertigen hat/ erkent vñnd geurtheilt/ daß solch Gericht/ vrtheil vñnd acht tod vñnd sein/ vñnd nichtig binden/ vñnd daß auch der landrichter vñnd die Vrtheilsprecher desselben Landtgerichtes solchs auß der Acht vñnd dem achtbüch schreiben vñnd austulcken/ in des ein brieff vñnd der desselben landtgerichtes insigel/ daß sie darauff getilckt vñnd geschriben seien on jhren schaden/ geben sollen/ biß darnach zu dem nechsten Hoffgericht.

Wo aber das nit geschehe/ so sol man dem Kläger darumb zu jnen richtē mit Acht vñnd Anleiten ic.

Were aber daß jnen verkündet wirt/ vñnd sie das verachten/ vñnd sich nit verantwortend/ so sol man die Acht vrteil vñnd recht in vorgeschribner maß aber mit vrtheyl vernichten vñnd abthun/ auch darzu dem Kläger vmb jhe

Neundt Theyl Rotweilischer

vngheorsam zu jhn richten mit Acht vnnnd mit Anleiten.

Vnd ob sie freihait fürwenden/vnnnd meinend man sol sie auch nach freihait sage weisen/dann sie gefreiet seind/niemandt rechtloß zulassen / das ist allein zuuerstohn gegen denen/vber die sie zurichten haben/vnnnd die in der Landgraffschafft gefessen seien/darinnen das Landgericht gelegen ist/so soll man sie mit nach freihait sage weisen / sonder so soll solche sach alwegem vff dem Hoffgericht außgetragē werden/dieweil das Hoffgericht sollichs zu recht fertigen hat/als das oberist in disen landen des heyligen reichs gericht.

Neundt Theyl Rotweilischer Hoffgerichts Ordnung.

Wie man auß der Acht lassen/ vnd wie man sich darmit halten sol.

Der den andern fürladt mit eynem fürbot/verantwort dann sich der selb mit zu der ersten/nach zu der anderen/nach zu der drittē klag/als recht ist / so heisset ihm der kläger durch des Hoffgerichts Waibel oder knecht zu der dritten klagruffen/ derruffet dann also.

Bistu hi/ wilt antwort geben zu dem ersten mal/als recht ist/bistu hie/wilt antwort gebē zu dem andern mal als recht ist/bistu hie wilt antwort geben zum dritten mal als recht ist. Aber so jemandt den andern mit verkündung fürnimpt/verantwortet sich dann derselb mit vff den tag daruff jm verkündet ist/ als recht ist/ so wirt mit Vrtheil erkent daß man dem kläger zu jm richten sol mit Acht vnd mit anleyte/vnd dem bedarff der weibel oder vorster nit ruffen.

Were auch daß einer der mit einem fürbot vff das Hoffgericht fürgefördert were/ käme er dan oder sein volnechtiger anwalt mit gnügamen verscribnem gewalt/vnd dem kläger sein klag antworten vnd im rechten fel lig würde/man sol dem kläger darumb zu jm richten mit Acht/vnd mit Anleite/ es beschehe solchs bei der ersten/andern oder dritten klag/ in solchē sal bedarff der weybel oder vorster demselben auch nit ruffen. Der Hoffrichter sol auch vnd mag in vffrecht auß der Acht nit lassen/dan allein mit des klägers willen. Aber wer nit also mit Vrteil in Acht kompt/ besunder vmb vngheorsame/ daß er sich vff fürbot oder vff verkündung nit verantwort/vnd also in acht kompt/ daß er die Gericht vber sich gohn vnd verscheinen last/wil er dan / so mag er darnach vffrecht auß der Acht komen/vn sol der Hoffschreiber keinē auß Acht schreibē/er stel jm dan des Hoffgerichts geschworen botten dar/der jm bei gūten tr ewen an eyds stat verheisse dem kläger darnach zu dem nechsten Hoffgericht zu verkündē/als des Hoffrechts ist. So dann der kläger also gefessen ist/daß man jm vor demselbē nechste hoffgericht zeit gnüg verkündē mag. Nöcht man aber jm vff dasselbig hoffgericht nit zeit genüg/ das ist acht tag vorhin verkündē / so sol man den ächter dannoch außschreiben/vnnnd dem kläger vff das ander nechste Hoffgericht darnach verkünden als recht ist/vnd vff das selb Hoffgericht sol der/der also auß Acht kompt/dem kläger vnuerzogenlich gerecht werden vff dē Hoff zu Rotweil. Das Recht/vnnnd die Sach sol auch vff dem Hoffgericht folgen/vnnnd weder nach Freiheit / noch sonst von dem Hoffgericht nit gewilt werden/es were dan ein solch sach die vff dē hoffgericht nit außgetragē werden

werden möcht/vnd dienach irer gestalt nach klag vnd antwort an ein ander end zu dem rechten zuweisen were/ so mögen die Ortheilsprecher die weisen als sie beduncket sie zuweisen sein/ alles vngeföhrlich/ Vnd ob ein solche Sach also von dem hoffgericht an ein ander ort oder end zu dem rechten ge wisen wirt/vnd der kläger dem der gegen im vff Recht auß acht komen ist/ an demselben end mit recht obligt vñ an im anbehebt/thut er dan dē kläger darumb nit benügen/so dan der kläger solchs von ihm vff dem Hoffgerichte klage/man sol im darumb/ als recht ist/ verkünden/vnd mag er das nit vera ntworten als recht ist/so sol man dē kläger zu im richten mit der Aberacht/ als ob das recht vff dem Hoffgericht volgangen were/ alles vngeföhrlich/ vnd welcher vffrecht auß der acht kompt/so sol der kläger vñ der / der auß Acht kommen ist/ mit jr selbs leiben vff das Hoffgericht kommen/das dem kläger verkündet wirt.

Were aber daß der / der auß Acht vff Recht komen were/vff obbestimpt Hoffgericht nit käme/als dem kläger von seiner wegen verkündet were/ vñ auch kein Lehafftin erscheinete/als Recht ist/die ihnen daran irte/das ist/ so in krankheit seines leibs gefallen/oder daß er gefangen / oder in einē schloß belegert were/ das sol er inn seinem offnem besiegelten Brieffe vff seinen Eydt sagen vnd erscheinen/das selbig vff das Hoffgericht schicken/darauff sol man im vffschlag geben in massen vormals von vffschlag wegen so Lehafftin erscheinet wirt/ gesagt/ wie dann auff dem Hoff zu Norweil Rechte ist/ vnd sonst sol ihnen kein sorg der feindschafft/ noch sonst kein ander sach daran iren/so richtet man dem kläger zu im mit der Aberacht/vñ hat der kläger vff sein güte geänleytet vñnd dieselbigen erfolget/ so bleibt er dabei/ hette er aber daruff geänleytet vnd erfolget/ so richtet man im darüber nach recht. Were aber daß der / der vff Recht auß der Acht kompt/ solch Lehaff tin in verschribener maß erscheinete als Recht ist/ vnd daß im daruff tag ge geben würden/ so mag der kläger die sach an seinen klagfürer setzen/dersel bigen fürorhin nachzugehn/ zu gewin vnd zu verlust.

Ob er dan die sach vor an den klagfürer gesetzt/vñ der klagfürer in den ant wörter in Acht erklaget hette/ hat aber der kläger die Sach selber getriben/ so mag er die nit setzen/ sonder sol er derselbigen selbs aufwarten. Es were dan/ daß der kläger krank/ oder gefangen/ oder belegert würd/ vñnd daß er das vff seinen geschwornen Eydt erscheinete in seinem offnem besiegelten Brieffe/ so möcht er einen seinen vollen verschribnen gewalt geben/ zu ge win vñ zu verlust in nottürfftiger billicher form/der möcht dan die sach für nemen als sich gebürt.

Were aber daß der kläger/ so im also zu dem Rechten verkündet wirt/mit keme/vñ auch kein Lehafftin/ als recht/ vñ dauor begriffen ist/mit erschein te/vnd daß der auß Acht gegen im vff Recht komen were/also zu dē Rech ten keme/so wirt er der Acht von dē kläger mit Orteil ledig/aber mit der An sprach/ darumb er zu Acht gethon ist.

Beschehe es auch/ daß der / der vffrecht außser Acht komen wer/zu dem rechtē gehn oder reiten wolte/ vñ vnder wegen gefangen würde/ oder daß in solche krankheit vnder wegen anstiesse/ daß er solch Lehafftin in seine besiegelten brieff nit erscheinen kündt oder möchte/vnd daß er dasselbig dar nach kündtlich machte/ auch mit seinem geschwornen Eyde das vestnen möchte/ Were aber derselbig in Aberacht gethon vñ komen/oder was Or theil der kläger solcher seiner saumnus halb vber in erlangt hette/das sol im keine schaden bringē/ dan wann sich das also in vorgeschribner maß erfindet/ vñ dem kläger darumb von dem Hoffgericht verkündet wirt/so sol man in

Neunde Theyl Rotweilischer

in wider auff der Aberacht schreiben/ vnd darumb bedarff er keine Achtschilling/ noch kein vffschreib gelt geben. Doch sol er dem Kläger fürs auff dem Hoffgericht gerecht werden/ vmb die ansprach vnd forderung/ so er zu jm vnd darumb er in von ersten in die acht gethon hat/ alles vngeserlich ic.

Desgleichen ob dem Kläger solchs zugesügt würde/ so er zu dem Rechte kommen wolte/ vnd sich auch das in vorgeschribner mass erfünde/ so sol dē der in der Acht gewesen ist/ darumb von dem Hoffgericht verkündet werde wie Recht ist/ vnd derselb sol der Acht von wegen des Klägers saumnis nit ledig sein/ wiewol jm das mit Vrtheil erkent wer/ sonder er sol dē Kläger vmb sein ansprach/ darumb er in zu Acht gebracht hat/ vff dem Hoff zu Rotweil gerecht werden.

Es sol vnnnd mag auch der/ der in Acht gewesen vñ also vff Recht auff Acht kommen ist/ ehe er dem Kläger eins Rechten würdt/ vnnnd jm vmb das so er jm mit Recht anbehalten/ ein benügen gethon hat/ sein gut vnd habe weder versetzen/ verkauffen/ verändern/ vermachen/ noch vff dem Hoffgericht/ noch an andern Gerichten/ noch ausserehalb Gerichtes hingeben/ der Kläger sei dann vrtlag gemacht/ vnd er sei jm dan voreins Rechten gewesen in vorgeschribner massen. Beschicht es aber darüber/ dz sol kein krafft noch macht haben/ vnd dem Kläger keinen schaden bringen noch geben. Vnnnd wann der der vffrecht auß der Acht kommen ist/ dē Kläger in dem Rechten fellig wirt/ so Richtet man dem Kläger darumb zu jm mit Aberacht vnd mit anleiten/ kompt er auch nit/ vnd wirt dem Kläger gerecht vff den tag als dē Kläger das mit des Hoffgerichts geschwornen Botten verkündet wirt/ vnd solch Lehaffin nit erscheinet/ als vorgeschriben stehet/ So Richtet man dē Kläger aber zu jm mit Aberacht vnd mit Anleitung.

Were auch das ein ächter so seiner vernunft beraubt vnd entsetzt würde/ vnd das er nit mehr für sich selber/ sonder mit Vögten vnd pflögern verschē were/ wolten in dann dieselbigen Vögt von der acht vff Recht nemē/ das mögen sie wol thun. Doch das sie dem Kläger eins Rechten seien an seiner statt/ in vorgeschribner mass/ Also/ ob sie dem Kläger in dem Rechten fellig würden/ oder das sie sich des Rechten saumpten/ das man dann dē Kläger darumb zu jnen an desselben statt vnd von seinent wegen mit der Aberacht richte.

Man sol auch niemandt vff Recht auß der Acht lassen/ er neme dan des einen besigeltten Brieff vnder des Hoffgerichts In sigel/ vff nachgeschribne Form gemacht/ damit ein jeder wisse was er pflichtig sei.

Wir Graff N. ic. Hoffrichter von des Allerdurchleuchtigsten Fürsten vnd herrn hern N. Römischen Keyfers zu allen zeiten mehrer des Reichs ic. vnser allergnedigste herrn gewalt an seiner stat vff seinem Hoff zu Rotweil/ Bekennen öffentlich vnd thun kund allermeniglich/ das wir N. aussere der acht des Hoffs zu Rotweil gelassen habē/ darin in N. gethon hat/ lassen vnd künden in darauß/ vnd er auch also aussere vnd auß dem Achtbuch des vorigenanten Hoffs von der acht wegen getücht vñ vffrecht abgeschriben/ also/ das er dem Ehgenanten Kläger N. sol vnd wil vmb die ansprach/ so er zu jm vnd darumb er in in acht gethon hat/ vff dem Hoff zu Rotweil eins vnuerzognē Rechten sein des nechste Hoffgerichtes/ das da wirt an dem nechsten Zinstag nach S. N. tag/ nechst komend/ vnd daran sol denselbigē N. nichts iren noch hindern/ weder feindschafft/ noch kein

kein ander anligend noch zufallend Sach / dan allein auffgenommen / ob jnr dazwischen krankheit seins leibs zufiele / oder ob er gefangen / oder in einem schloß belegert würde / darumb er deshalb vff das obgenant hoffgericht nit kommen möcht / das sol er in seinem offnem besigeltem brieff vff seine Eid sagen / vnd solch Lehaffin darin erscheinen / vnd den Brieff vff das Hoffgericht schicken / als des Hoffes zu Rotweil Recht ist / Dann wo er das als dan nit thäte / vnd dem also in vorgeschribner maß nit nachkäme / so richtet mā dazumal dem kläger fürs zu im mit Aberacht vnd anleiten / als des Hoffes zu Rotweil recht ist / vnd darumb von des obgenanten vnser aller gnedigsten herrn des Römischen Keyzers gewalt / so künden wir den ehgenantē wider aussere dem vnfriden in den friden / vnd erlauben den meniglichen zu gemeinsame der vngeschribnen acht halb / mit Vrthumb vñ krafft dieses brieffs / mit des Hoffgerichts zu Rotweil vffgetrucktem Insigel besigelt / geben ic. nach Christi vnser herrn geburt ic.

Man sol niemand auß der Aberacht lassen

on des Klägers wissen vnd willen.

Der mit Vrtheil in die Aberacht kompt / den sol noch mag der Hoffrichter darauff nit lassen on des klägers wissen vnd willen ic.

Wan der Kläger einen in Acht oder Aberacht

schreiben mag / nach dem vnd er darin mit Vrteil erklagt ist.

In jeglicher kläger der einen oder mehr in Acht oder Aberacht erklaget hat / als Recht ist / der mag die von dem tag als sie inn Acht klagt seind / in jars frist / in das Achtbuch thun schreiben / wan er wil. Verscheinet aber das jar / so er sie nit ingeschriben hat / so sol man jm die darnach nit mehr einschreiben.

Wolte iemand vffrecht auß Acht kommen / da

man nit wiste wo der kläger / ob er todt / oder nit im land wer / vnd niemand wiste wer seine erben weren / wie man sich damit halten sol.

Were auch das jemand in Acht were / der vff Recht davon kommen wolte / vnd das der kläger todt oder nit im land were / vñ niemand wissen kündt wer sein erben / oder wo der kläger were / so mag der der also vffrecht aussere acht wil / für das Hoffgericht kommen / vnd das erzele vñnd fürbringen / vñnd daruff ein Eyd zu Gott vnd den Heyligen vor dem Hoffgericht schweren / das er nach dem kläger gefragt hab / vnd nit erfahren kündt / ob er lebend oder todt / oder wo er oder seine erben seien / Den sol man auß der acht lassen / doch also / dz er in den Eid neme / Wan der kläger oder sein erben über kurz oder lang kommen / vnd das Recht ersordern / das er jnen dann vmb ihr ansprach auff dem Hoffgericht zu Rotweil / on widerrede / zu Recht werden wol / wann ihm von dem Hoffgericht / als recht ist / darumb verkündet wirt / das sol der Hoffschreiber in das Achtbuch zu der Acht verzeichnen / Oder so das nit gestehn möcht / einen Permentinen zedel dahin stecken / der das lauter inhelt.

Were aber das ein Statt / Dorff oder Commun in solcher acht wer / vnd darvon kommen wolten / so sol jr volmechtig Botschafft solchs schweren / als vorbegriffen ist / vnd sol die Statt / das Dorff oder Commun / ein besigelten Brieff / mit anhangendem Sigel / dem Hoffgericht geben / darin sie sich verschreiben / vnd verbinden / dem kläger oder seinen Erben gerecht zu werden / von der acht wegen / über kurz oder lang / wann das ersordert wirt / als vor begriffen ist.

Neunde Theyl Rotweilischer

Desgleichen ist zuehnen von alten Achten wegen/da niemand weiß wer der kläger oder sein erb ist.

Wo auch jemand in Acht were/vnd der kläger/der in darein gethon het/ todt were/wil er darauß/er sol der Erben gunst vnnnd willen haben/oder man sol den Erben verkünden/vnnnd sol inen eins Rechten sein/in aller der maß als dem kläger/ob er in leben were.

Wer inn Acht gethon würde/der nit geladen oder fürgefördert were/wie man sich damit halten sol.

Wer es auch das jemand für das Hoffgericht keme vñ sich beklagte er wer in Acht gethon/vnd doch nit geladen noch fürgefördert als recht ist/so sol man de kläger der in in die acht gethon hat/darzu vñ dem Hoffgericht verkünden/vnd ist das sich solchs redlich erfindt/als auff dem Hoff zu Rotweil recht ist/so sol man in auß der Acht schreiben/vnd be darff keinen Achtschilling noch außschreib gelt geben/vnd was vff die acht erlangt ist/das ist damit tod vnd ab.

So jemand Zeunrecht zu Acht gethon were/also daß die Gericht nit nach einander/als recht ist/gangen sein.

So auch jemand den andern zu Acht thäte/vnd die Gericht nit redlich vff einander getrieben hette/das ist/daß er in nach der ersten oder andern Klag zu acht thäte/vnnnd die dritte klag nit gethon noch im ruffen lassen hette/oder ob er in zu der ersten oder andern klag het lassen ruffen/vnd aber der dritten klag nit gethon hette/oder so er die Gericht nit vff einander klagte/vnd ein Gericht oder mehr vbersehen hette/oder so er einen oder mehr in Acht thät schreiben/die von seinet wegen nit geladen weren/oder die er auch nit beklagt hett/wo sich das erfindt/so sol er dem Achter auß der Acht helfen gegen dem Hoffrichter/on des ächters schaden/vñ darzu dem Hoffrichter daruin zu büß stohn/wo sich erfindt daß das gefelichen zügangen were.

Desgleichen ist es/da einer in Acht geschriben wirt der nit geladen ist/oder da einer einen anders in acht schreiben heisset/dann er in geladen hat.

Wo einer geächtet wirt der vnder acht gehen jaren ist/oder so der selbig geweiht ist.

So auch einer der vnder acht gehen jaren were/geächtet vnd in Acht gethon würde/kompt der vff das Hoffgericht vnd beklagt sich des daselbs/so sich dan solchs erfindt als Recht ist/man sol in wider von der Acht lassen vñ schreibē/vñ was vff in oder vff sein gut erlangt wer/das sol tod vnd ab sein. Ob sich dan befünde daß der kläger solchs gewist vnd vngeserlich gethon hat/er sol in von der Acht lösen vnd dem Hoffrichter daruin zu büß stehn. Hat er aber dauon nichts gewist/so sol mā in vergebens von der Acht schreiben vnd lassen. Doch also ob er in Acht gethon ist vmb erb/schuld/oder vmb gut. Were er aber vmb missethat die die ehr vnd den leib angienge/vnd vmb daß er selber gehandelt vñ gethon hat/in die acht gethon/so sol das zu der Urteilsprecher erkentnis stehn/ob in die Acht nach gestalt der misthat vnder den achtgehē jaren binden sol oder nit. Wer aber vff Recht auß einer solchen Acht kem/vnd de kläger als Recht ist/verkünden ließ/in vmb sein ansprach gerecht zu werden/den mag das nit helfen/
daß

daß er vnder den achtzehen jaren geächtet ist / vnnnd deshalb von der Achte solt gelassen werden / sonder er sol dem Kläger eins Rechten sein / als er ihm hat verkünden lassen / er hette sich dann erklagt dieweil er in Acht gewesen were / als vorbegriffen ist / vnd daß er sich / als dauon vff Recht mit gezogen hett.

Desgleichen ist es vmb einē der geweiheit vnd ein accolitus ist / oder mer weihen hat / vnd sich tregt / haltet vnd eiget für ein Clericum.

Ob ein Tochter die vnder vierzehen Jaren ist / fürgenommen wirt mit dem Hoffgericht.

Wann ein Tochter die vnder vierzehen jare ist / mit dem Hoffgericht fürgenommen wirt / was dann da von jr vnghehorfame wegen / ob sie vff das Hoffgericht mit käme / erlangt wirt / das sol tod vnd ab sein / vnd nichts binden / dieweil sich auch solchs erfinden würde / daß sie vnder den vierzehen jaren der zeit des fürtragens gewesen were.

Wie ein Commun mit einander / odder etlich von einer Commun besonder vff Recht auß der Acht kommen mögen.

Dein Commun / es sei ein Statt / Doiff oder Marck / oder gericht in Acht ist / wöllen dann die vff Recht auß Acht mit einander / man sol sie darauff lassen / wil aber jr einer / zween oder mehr in besunder darauff / man sol sie auch besunder darauff lassen vffrecht / odder mit des Klägers willen. Vnd die / die darauff kōmen / nemlich in das Achtbuch setzen / daß sie vffrecht / oder mit des Klägers willen dauon gelassen werden. ic.

Da ein Commun in Acht ist / vnd sich einer oder mehr darnach von der Commun ziehen vnd nit mehr burger / gebaurfam oder glider der gemeynd.

Item so ein Commun in Acht keme / daß dan̄ einer oder mer darnach von derselben Commun züg / vnd nit mehr da burger / gebaurfam oder glid derselben Commun were / wan̄ sich dann der oder die / die also dauon ziehen / die heissen vnd seind nit mehr ächter / wiewol sie burger / gebaurfam oder glider derselben Commun gewesen seind / da sie zu Acht gethō ward / es were dan̄ daß solch / die von der gemein oder Commun zügen / nemlich vnnnd besunderlich inn der gemeyn Acht begriffen weren / die nemen die Acht mit jnen / sie ziehen wohin sie wöllen.

So einer zu einer Commun zeucht / vnnnd derselben / die in Acht kommen ist ehe er sich dargezogen hat / ein glid wirt.

Zucht sich einer zu einer Commun / vnd wirt derselben die in Acht kommen ist / vor vnd ehe er sich dahin gezogen / vnd sich daselbst ein glid gemacht hat / der entpfächt die bürden der Acht / vnd heist vñ ist ein ächter als wol als die andern glider derselben Commun / alle dieweil er dann ein glid derselben Commun ist.

Von denen die vff Bann inn Acht kommen von anruffung wegen der Seystlichen Richter.

Wie man die von solcher Acht lassen sol / wirt hienach gesagt von denen die jar vnd tag / vnd einen Monat vnd mehr in der Acht gewesen seind / vnd sich dauon nit ziehen mögen. Achter

Sibende Theyl Kotweilischer Achter anzufallen.

In offener verschribener ächter/ Wo der in Stettē/ schlossen oder gericht angefallen wirt/ der sol kein geleid haben an keinen endē/ dan allein in eines Römischen Keyfers oder Königs schloß/ vnd wan der Kläger gegen dē ächter Recht anruffet vnd fordert/ daß man im den hebe vnd in anfallē/ man sol im den ächter heben/ vnd fürderlich zu ihm richten nach seiner Klag als zu einem ächter. Wo aber der ächter vff des Klägers erforderung dem Kläger antwortet/ vñ nit zu Recht gestellt/ oder daß der Kläger von solchs anfallens wegen mißhandelt/ gefangen oder vmb solchs mit penen gestrafft würde/ von wem das geschicht/ das mag der Kläger ob er wil für sich selbs/ mit Klag vff dem Hoffgericht fürnemen/ odder den Hoffrichter das lassen fürnemen/ wann der solchs zu rechtfertigen von seines eyds vnd ampts wegen/ pflichtig vnd schuldig ist. So aber der Kläger die Klag nicht selber fürnemen wolt/ vñnd wan das mit Klag fürkompt/ so sol man denselbigen thättern mit des Hoffgerichts besigelten brieffen vnd geschwornen botten darumb verkünden/ vñnd ob sich dieselbigen mit freiheten von dem Hoffgericht ziehen wolten/ so sol man sie nach freihet sag nit weisen/ wan das ein solcher freuelist/ der dem Hoffrichter mit recht zu straffen zugehört.

Item welcher ein ächter ist vnd gen Kotweil kompt/ vñnd sich von den achten ziehen wil/ darinn er ist/ den sol noch mag niemands anfallen/ vnd ob er angefallen würd/ man sol in wider ledig lassen/ so der ächter einen gelerten eydt zu Gott vñnd den heyligen geschworen mag/ daß er darumb ghen Kotweil kommen sei/ daß er sich von den Achten ziehen wolt/ vngesefhrlich.

Ob ein ächter von einem Kläger jemandē angefallen were/ den man auff recht von der Acht nemen wolt.

Were es auch daß ein ächter von einem Kläger angefallen würd/ vñ in gefenckniß keme/ wirt es dan dem Hoffschreiber durch den Kläger/ odder kompt ihm sunst für/ kundt gethon/ wolt der ächter jemand vff recht von Acht nemen/ dieweil er in solcher gefenckniß were/ der Hoffrichter sol in darauff nit lassen/ noch der Hoffschreiber in von dē Achtbüch schreiben/ aldieweil er gefangen vnd dem Kläger noch nit mit im gericht ist.

Wirt aber ein ächter von andern leuten gefangen dan von einem Kläger/ wil in dann jemand auß Acht vffrecht nemen/ so dan der ächter vnder zweyen Edelman insigel dem Hoffschreiber schreibt/ in darauff zulassen vffrecht/ er sol in darauff schreiben vffrecht/ ob es ein schlecht Acht ist/ were er aber in Acht vmb mord/ vmb raub/ brand/ oder vmb eines todschags wegen/ man sol in dauon nit lassen/ alle dieweil er gefangen vnd nit ledig ist/ in hab der Kläger odder ein anderer gefangen. Es were dann daß der Kläger das mit seinem brieff vergünstete/ wo aber der Hoffschreiber von solcher gefenckniß nit weiß/ so mag er einen jeglichen vff Recht vnd auß der Acht schreiben/ als sich dan gebürt/ so es ein Acht darauff einer mit recht zulassen ist.

Ein offener verschribener ächter mag nichts thundas krafft noch macht hat.

LIn offener verschribner ächter mag weder versezē noch verkauffen/ niemand besagen/ niemand beklagen/ vber niemand richten/ sich gegen niemand verantworten/ noch nichts thun das krafft odermacht hab/ dieweil er in Acht ist/ vnd ob er was solchs thäte/ dieweil er in Acht gewesen/ das ist alles krafftlos vnd vnbindig.

Wie man die Geistlichen Gericht vff die Achten anruffet.

Welcher ein jar/ einen Monat/ einen tag vñ mer in acht gewesen ist/ vnd der kläger Supplicatoria/ das sein anruff brieff/ an das Geistlich gericht des Bistumbs darinnen der ächter sitzt/ fordert/ vnd dahin das Hoffgericht zurichten hat/ die sol jm der Hoffschreiber gebē/ ob es dann so fern herkommen/ vnd der ächter so lang in acht gewesen ist. Derselb Geistlich richter sol in vff die acht zum bann thun/ vnd fürbaß mit bannen wider in procediren/ bis dem kläger ein benüg beschicht/ vnd wer also auff ein acht zu bann kompt/ den sol der Geistlich Richter auß dem bann nicht lassen noch absoluiren/ er sei dan vor auß der acht kommen/ daruff er von anruffung wegen zu bann gethon/ vnd er habe auch dabei des klägers gunst vnd willen.

Wie die Geistlichen richter das Hoffgericht anruffen.

Desgleichen wan die Geistlichen Richter der Bistumb/ dahin das Hoffgericht zurichten hat/ dasselbig anruffen vnd schreiben in jren besigelten brieffen/ daß einer ein jar/ einen Monat/ einen tag vñd mer in den bannen gewesen sei/ vnd fordern/ daß man mit dem Hoffgerichte dem geistlichen Gericht zu hilff köme/ So sol man solch Supplicatoria vnd anruff brieff vff dem Hoffgericht öffentlich verlesen/ vñ sol er der Hoffrichter daruff fragen zu dem minstē sieben Urtheilsprecher/ vnd nit darunder/ was darumb recht sei/ die urtheilē dan also mit solchen worten: Her ich vrteil zu jm zu richten mit Acht vnd Anleitung/ vff daß schreibe man ihn in Acht nach dem Hoffgerichte/ daruff er also in acht erkent ist/ in jars frist/ wan der kläger wil/ vnd man bedarff auch dem bännigen darumb nit verkünden/ so man die Acht über in erkent. Man gibt auch dem kläger Achtbrieff/ Anleitung über des ächters güter/ vnd verbietbrieff vber in/ vnd wer also in die Acht kompt vff anruffung der Geistlichen Richter/ vñd von bann wegen/ dē sol der Hoffrichter nit lassen/ noch der Hoffschreiber abschreiben/ er bringe dann brieff von dem Geistlichen Richter/ daß er auß bann gelassen sei/ vñ hab auch dabei des klägers gunst vnd willen.

Behendt Theyl Lotweil- scher Hoffgerichts Ordnung.

Von Anleitinen wegen/ vnd wie man eines ächters güter mit anleite erlangen vnd erfolgen mag.

Welcher in Acht ist/ vff des güter mag der kläger anleite nemen/ die selbigen güter sol er eigentlich angeben/ als dann so macht jm der Hoffschreiber ein anleitbrieff/ darin setz er jm ein anleiter/ dz ist der

Sibende Theyl Notweilicher

Urtheilsprecher einer des Hoffgerichts/welchē er da wil/vñ zeichnet die stück vnd güter all in einen zedel/solchen anleitbrieff mit dē zedel nimpt des Hoffgerichts geschvomer bott/vnd geht damit zu dem Anleiter/vnd heist ihm gewalt geben zu anleiten. Also gibt der anleiter im gewalt/so gibt der bott dem Kläger oder seinem Klagfürer vñnd procurator den anleitbrieff wider/vnd laufft mit den anleitzedeln an die end/da das gut gelegen ist/vnd gibt die von im/denen die das gut oder güter inhaben oder bawen/vñnd ob die niemand inhet/so gibt er die zedel dem obersten Amptman des orts da die güter gelegen sein/er gibt auch ein anleitszedel/darin die güter begriffen sein/dem ächter/vff des güter man anleitet. Vñ wan sechs wochē/drei tag vnd mer/nach dem die anleite verkündet wirt/vergon/ Ist dan daß die anleite dazwischen mit recht nit versprochē/nach verantwört wirt/so wirt ein anleitbesitzungsbrieff vber dē anleitbrieff gemacht/dē der anleiter besigeln vnd vff sein Eyd sagen sol/daß der kläger dem anleyter so vil zeit als vorbegriffen ist/vnuersprochenlich bei güte gericht besessen hab/solcher brieff wirt vor offnem gericht verlesen/vñnd fordert daruff der kläger odder sein Klagfürer vnd procurator vor Gericht/so wirt ertheilt daß man im für richten sol.

Also wirt auch dazumal ein nützlich gewerbrieff gemacht/von dē Hoffgericht vnd einem andern Urtheilsprecher des Hoffgerichts gebotten/daß er den Kläger darauff ein nützlich gewere setzet/vñnd wann sechs wochen/drei tag/vñnd mehr nach dato des nütlichen gewerbrieffs hinwirt vñnd vergangen seind/vñnd die nützlich gewer dazwischen nicht gesprochen noch verantwörtet/wirt ein nützlich besitzungsbrieff darüber gemacht also/daß die nützlich gewer darauff besessen sei/so vil zeit als vorbegriffen ist. Solchs saget der Urtheilsprecher auch auff seinen Eydt/wie dann dauon in der anleyt besitzung darvor begriffen ist/vñnd wann der gelesen wirt vor dem Hoffgericht/vñnd der Kläger oder sein Klagfürer Rechts fürmüctet vnd begert/ist dann dazumal niemand da/der das mit Recht versprechen oder verantwörtet wil oder mag/So wirt im ein folgbrieff/vnd ein schirmbrieff/darauff ertheilt zugeben. Wann ihm dan die werden/so mag er zu den gütern greiffen/vnd damit thun nach der brieff besag. Man gibt im auch schirmer darüber/wie vil Fürsten/Heren/Edelleut vñ stet er darüber zu schirmer begert.

Welche einem zu schirmeren gegeben werden/die sollen in an den erfolgten vnd erlangten Rechten nit saumen noch hinderniß machen.

Wer dem andern zu schirmer gegeben wirt/der sol ihn an denselbigen seinen erlangten vnd erfolgten Rechten/stücken vñnd gütern nit saumen/Saumpfte aber odder irrete der schirmer den Kläger/klagt er das von ihm/so er dan das nit mag verantwörtet als recht ist/oder kompt der darumb nit für/man richtet dem Kläger darumb zu im mit Achte vnd mit Anleite.

So ein ächter/vff des güter erlangt vnd erfolgt ist/vff Recht auß der Achte kompt/vnd dem kläger vff die hauptsach außgehet/so ist die erfolung auch ab/Bigt er im aber ob vmb die Hauptsach/so bleibt er bei der erfolung.

List sich ein ächter so fern erlangt / daß der kläger seine güter erfolgt / vnd daß im darüber folgbrieff gegeben werden / vnnnd dann solcher ächter darnach auffer acht kompt / wirt er dem kläger sellig vmb sein ansprach / wie lützel sein ist. So bleibt der kläger bei seinem erlangten vnnnd erfolgten Rechten / vnd richtet man im zu dem ächter mit aberacht.

Ob aber der kläger des nit folgbrieff genommen / vnd dann von saum-
muß sein selbs oder sunst solchs hette vnderwegen gelassen / wiewol ihm die güter mit Vrtheil erkennt seind / vnd er seinem widersacher vmb die haupt-
sach im rechten obligt / so bleibt er nit bei den gütern / sonder der anklagt sol
im vmb die hauptsach ein benügen thun / vnd im darzu Gerichts kostē von
bottenlon / von klaglon / von brieffen vnd in acht zuschreiben / bezalen / vnd
damit von im ledig vnd entbrochen sein / wo aber er dem kläger darumb nit
aufrichte vnd bezalte / so richtet man dem kläger zu im mit der aberacht / vñ
nicht mit anleite.

Wo aber wer daß er dem kläger vmb sein ansprach außgieng / was dann
der kläger auff seine güter erlangt vnnnd erfolgt hette / das sol tod vnnnd ab
sein.

**Ein jeglicher mag vff eines ächters odder Aber-
ächters güter anleitbrieff vnd verbietbrieff über ihn nemen / wiewol er von
eines andern wegen in Acht oder Aberacht ist.**

Item ein jeglicher der mag vff einen ächter odder Aberächter verbiet-
brieff vnd anleitbrieff vber seine güter fordern vnd nemen / die man
ihm auch geben sol / wiewol der ächter vnd aberächter von eines an-
dern vnd nit von seiner klag wegen in acht ist / Kompt aber der ächter odder
aberächter auß der acht ehe er die güter mit der anleite erfolgt / so ist die an-
leite vnd was daruff gangen / tod vnd ab / Were aber daß vff des ächters o-
der aberächters güter mit solcher anleite erfolgt wirt / vnnnd daß er darnach
auß der Acht keine / meint er dann daß der / der auff seine güter erfolgt hat /
die erfolgung vnd erlangte Rechte abthun sol / wann er auß der acht kommen
sei / so sol er demselben vff dem Hoff zu Norweil gerecht werden / wirt er im
da sellig vmb die ansprach darumb er vff seine güter geanleitet hat / daruff
sol er im ohn verziehen vmb die Hauptsach / auch vmb gericht vnnnd Brieff
kosten ein benügen thun / Thet er aber das nit / so bleibt der kläger bei der er-
folgung / geht er aber dem kläger vmb sein ansprach auß / so ist die erfolgung
tod vnd ab / vnd er bedarff dem kläger weder gericht kosten / noch brieff co-
sten ablegen.

**Wann stück vnd güter erlangt vnd erfolgt wer-
den / die nit des ächters seind / vff des güter geanleitet ist**

Were auch / daß ein kläger so er vff des ächters güter anleit vnnnd die
erfolgt / daß er stück odder güter erfolgt hette / die er meinet daß sie
des ächters weren / vnnnd aber dieselben eines andern weren / bringe
dann der des die güter seindt / mit brieffen odder sunst redlich für / daß die gü-
ter sein seien / vnd nit des ächters / vnd daß er von solcher anleite nit gewiße /
auch daß im die niemand verkündt noch zuwissen gethon hab / oder so ihn
kunt vnd wissen ist / daß daruff angeleyt were / vnd daß er doch nit wistte /
daß er das versprechen vnnnd verantworten solt / oder pflichtig wer zuthun /
vnd des zu den heiligen schweren möchte / So wirt erkennt / daß im die an-
leiten vnnnd das erfolgen / vnnnd was vber sein gut erlangt ist / keinen schaden

Zehndt Theyl Rotweilischer

bringen/sonder tod vnd ab sein sol. Es were dann das er die güter von dem ächter an sich gezogen het in schirms weis/oder ob er die vmb in kaufft het/ da er ein ächter gewesen ist/ so mag er die güter mit behalten/ vnd hat solchs weder krafft noch macht.

Wie man Frawen namen recht erlangen

vnd vff ire güter anleiten sol.

Reyn Fraw ächtet mann/ den so die drit klag zu inen beschicht/oder ein Fraw mit einer verkündung erklagt wirt/so erkennt man anleyte vff ire güter/mann bedarff auch den frawen zu der dritten klag mit rüffen/dann sie mögen antworten wann sie wöllen/doch wer es das sie antworten nach dem/ so ire güter erfolgt weren/ werden sie dan fellig im Rechten/ so bleibt der kläger bei den erlangten vnd erfolgten gütern/ giengen aber sie dem kläger vmb die Hauptsach auß/ so ist die erfolung aber todt vnd ab.

Wie man güter beleuten sol.

St das ein mann oder ein fraw/ die güter/ Zins oder gült hat hinder im verlassen/ vnd sich solchen verlassen erbgüts niemand vnderziehen wil/ ist dann jemand den sie schuldig seind/ oder der jr bürg oder schuldner gegen jemandt für sie worden ist/ der mag vff solche jr verlassene güter anleite fordern vnd nemen/ damit er seiner schuld bezalt/ vnd an den enden da er von inen versetzt vnd hafft ist/ geledigt wirt/ vnd dem sol er also nachkommen/ Wan er dann vff das Hoffgericht kompt vnd solchs erzelet/ so wirt von ersten ertheilt/ das mann die güter daruff er meint zu anleyten/ durch des Hoffgerichts geschworne botten beleuten sol/ in den gerichtten darinnen sie gelegen seind/ Also gibe dann der Hoffschreiber einem geschwornen botten die güter in geschriff verzeichnet/ die er beleuten sol/ vnd darbei wie das der kläger erfordert vnd fürgetragen hat/ so laufft der bott an die end vnd ort da die güter ligend/ vnd leutet die glocken daselbst/ vnd sage dar vff/ warumb er die geleutet hab/ vnd beschicht die beleutung darumb/ ob jemand recht zu den gütern hat/ oder vermeint zu haben im Erbs weis/ oder sonst/ das derselbig dann das wisse vff dem Hoff zu Rotweil zu versprechen vnd zuuerantworten. Vnd wann die leutung beschicht/ so kompt der kläger darnach zu dem nechsten Gericht/ vnd erzelt das die beleutung beschehen sei/ vnd stelt des Hoffgerichts geschwornen botten dar/ der zu den heiligen schweren sol/ das er die beleutung gethon hab/ als des Hoff zu Rotweil recht vnd vormals ertheilt ist/ daruff wirt dann ferner ertheilt das man dem kläger daruff anleyten sol/ vnd die Anleyte bedarff man nicht vff die güter verkünden/ wan die vorbeleutet seind/

Der anleyte geht dann der kläger nach mit allen Sachen/ als vor von Anleiten begriffen ist.



Fünft Theyl Rotweilischer Hoffgerichts Ordnung.

Von gemeche/ von Vffgeben/ von Verzeihung/
von berweisen/ von Verkauffen/ von Didimus vber freihengen/ vnd von be-
stetigung vber Brieff zunemen vnd zu fordern.

Zu dem Ersten/ wie vnd wann man
auff dem Hoffgericht zu Rotweil beuögtensol.

Item wo Jungfrawen/ Frawen/ Pfaffen/ Mönch/ Klosterfrawen/
Tunnen/ Schwestern/ Geystlich leut/ auch Kinder/ Knaben vñ töch-
tere/ die nit zu iren tagen kömen sein/ vff dem Hoffgericht etwas ver-
schaffen/ vermachen/ verkauffen/ verzeihen/ oder solchs von jemand vffne-
men/ empfangend/ oder ob sie ir klag vff dē bemelte Hoffgerichte an jemandt
setzen wollen/ so sol man sie Beuögten. Ein fraw die einen mann hat / mit
irs mans willen/ Mönch vnd Geystlich leut/ die in bewerten orden seind/
mit irer Oberrn willen/ nemlich ein Tunnen oder Schwester/ mit irer Eptissin
oder Priouin willen/ ein Mönch oder brüder/ mit seines Abts/ Comptois/ sei-
nes Probsts/ oder seins Priors willen/ Vñ sol alweg der da sein/ der den wil-
len geben sol. Oder ob er nit da were / so sol man des seinen offnen besigelte
brieffen glauben geben/ darinn er sein gunst darzu gibe.

Weltliche Pfaffen/ als Thumherin/ Choherin/ Gestülte thum vnd Chol-
frawen/ die vnder bewertter gehorsame nit seind/ vnd Eliche mann nemem
mögen ob sie wollen/ als dann solche in vil Stifften seind/ Kleusnerinnen vnd
desgleichen/ die in Geystlichem schein gehen/ vnd doch nit eines bewertten
Ordens seind/ weltliche Jungfrawen/ wirwen/ vnd kind/ die nit zu iren tagē
kommen seind/ Beuögtet man das mann niemands darzu bedarff.

Auch Abt/ Eptissin/ Comether/ Probst/ Priouinnen/ vnd ander Prelaten
vnd Prelatinnen/ die bedörffen niemands gunst vnd willen/ so man sie Be-
uögten wil/ Dann solche prelaten vnd Oberrn für sich selber seind.

Mann sol auch geborne frawen vñ Junnfrawen/ als Herzoginen/ Land-
gressinnen/ Burggressinnen/ Gressinnen/ vnd Freienen/ alwegen mit denen
die Adels gnoss seind beuögtet.

Aber sunst mag ein jeglichs das in solch em Adel als voigesagt / nit ist/ zu
einem Vogt nemen der Ortheilsprecher des Hoffgerichts einen/ oder einen
andern Edeln/ oder erbarn man/ der ein Insigel hat.

Vnd wenn man solch Beuögtigung auff dem Hoffgericht thun wil/ so
beutet der Hoffrichter seine stab/ dara greiffe die tochter/ fraw oder die per-
son die man Beuögten wil/ Vnd der den sie zu einem vogt nimpt/ greiffet
auch an den stab/ So redet der Hoffrichter also: Nemen jr in zu eine Vogt
in der sachen/ als von ewrent wegen fürgetragen ist: Vnd steht dan ir man
dabei/ So fragt er in ob es auch sein wille sei. Der antwort dan/ ja. Nach sol-
chem so lassen sie dann den stab auffer handē. So frage der Hoffrichter/ ob
die Vogtei beschehen sei als recht ist / das wirt dann von den Ortheilspre-
chern erkent/ vnd gesprochen ic.

Wie ein man sein Weib heym-
steuret vnd morgengab verweist.

Eilffte Theil Rotweilischer

Weiñer seinem weib heymsteur oder morgengab verweisen/ so sol derselbig auff dem Hoffgericht/ sampt der frawen erscheinen/ Die soll mann beuögten mit seine gunst vnd willen/ als oben steht. So dann das beschicht/ so mag er die verweisung thun mit hand vñ mit mund/ Auch mit des Hoffrichters hand/ in des weibs vnd jres Vogts hand. Vnd wann die vrtheil also von den vrtheilsprechern gesprochen wirt/ so beutet der Hoffrichter seinen stab dagegen/ daran greiffet der mann vnd sein weib/ sampt jrem Vogt/ So redet der Hoffrichter also: Verweise jr ewerer hauff frawen jr heymsteur vnd morgengab/ in massen von ewret wegen eröffnet vnd fürgetragē ist/ So antwort der man/ Ja. So fragt der Hoffrichter der frawen Vogt/ ob es sein wil sei. Der antwort auch/ Ja. Daruff so lassen sie den stab/ Vnd fragt der Hoffrichter/ ob das geschehen sei als recht ist. So vrtheilen die vrtheilsprecher/ Ja. So frage er darnach/ Ob man des brieff geben sol. Das wirt auch erkent. Darauff spricht der Hoffrichter/ Wil das jemand widerreden/ der thū es als recht ist.

Knaben vnder achzehen jaren/ vñnd Töchter

vñnd frawen vnder vierzehen jaren/ mögen auff dem

Hoffgericht nichts thun das krafft hat.

Es mag kein Knab vnder achzehen jaren/ noch kein Jungfraw odder fraw die vnder vierzehen jaren ist/ sich gegen jemand auff dem Hoffgericht verschreiben/ noch kein verzeihen/ gemacht/ fertigung/ noch keinerlei sach thun/ biß daß ein Knab achzehen/ vñnd ein tochter vierzehen jãrig wirt

Da sich ein Jungfraw Väterlichs vñnd

Mütterlichs erbs/ oder der eint weders verzeihen

wil/ wie sie das thun sol.

Wil sich ein Jungfraw väterlichs vñnd mütterlichs erbs verzeihen/ mann sol sie beuögten. Vnd sol bei jr sein jr vatter/ oder jrer brüder einer/ der die verzeihung von jr vffneme vnd empfab/ an sein selbs vñnd der andern statt. Vnd ist die vrtheil/ daß sie das thu mit hand vñnd mit mund/ mit des Hoffrichters/ vñnd mit jhres Vogts handt in des hand/ der das verzeihen wil/ Als dann so greiffet sie vñnd jr vogt/ an den stab/ vñnd der das verzeihen empfaben wil/ so redet der Hoffrichter also: Verzeihe jr euch väterlichs vñnd mütterlichs erbs/ in der masse als von ewert wegen fürgetragen ist/ So antwort sie/ ja. So fragt der Hoffrichter jhren Vogt/ Ob es auch sein will sei. Der antwort auch/ ja. Nach solchen fragen vñnd antwortē/ so lassen sie dann den stab. So fragt der Hoffrichter den Vrtheilsprecher/ Ob solches geschehen sei als recht ist/ vñnd darumb brieff/ Das wirt dann alles von jnen erkent.

Wil sich ein Fraw / die einen Ehlichen man hat/

väterlichs vñnd mütterlichs erbs/ oder entweders verzeihen.

Wem wil sich ein fraw solchs verzeihen/ die einen man hat/ sol jr man bei jhr stehn/ daß sie mit seinem willen beuögtet werd/ Odder ob der man nit da were/ so sol mann doch einen offnen besigeltenbrieff vff dem Hoffgericht von jm haben/ vñnd anzeige/ darin er seinen gunst vñnd willen dazu gebe sie zu beuögten/ Vnd daß sie solchs thū/ wie dann vff dē hoff zu Rotweil recht ist. Vñnd vrteilen die Vrtheilsprecher/ daß die fraw das thun sol/ mit

sol mit hand vnd mit mund / sampt des Hoffrichters vnd ires vogts hand / in des hand der das verzeihen empfangen wil. Vnd dann so greiffe sie an den stab / sampt dem vogt vnd dem empfangen. So redet der Hoffrichter darzu / vnd wirt darauff gefrage in massen wie vorbegrieffen ist.

Da ein Man oder Fraw iren Kindern verschaffen oder vermachen wollen jr gut nach irem tod / Wie man das thun sol.

Wein mann oder fraw etwas seine kindern nach dem tod verschaffen vnd vermache / die kind seien dann zu ire tagen komen oder nicht / so sol alwegen zu dem minsten der kind eins da sein / das ist nit noch das dasselbig kind das das gemecht empfangen wil / zu seinen tagen komen sei / wann man jm vnd den andern kinden in solchem fal gibet vñ nit nimpt.

Desgleichen ob man solch gemecht gegen freunden odder andern thum wolt / so sol alwegen der personen eine zu dem minsten da sein / oder das gemecht gehort / vnd die sol vnd mag das in jr selbs stat vnd der andern auch empfangen.

Von auffgeben lediglich von handten.

Der dem andern sein gut alles oder einen theil / auffgeben wolt / da sol dasselb / es sei fraw oder man / sich von de gut ziehen vñ sich des auß fern sechs wochen vnd drei tag / anders das vffgeben ist nit krefftig / vñ in solchem auffgeben da eins alles sein gut von handten gibt / sol alwegen gesezt werden: Doch den schuldnern vnshedlich an iren schulden / die vñ in geber oder hingebere / auff den tag des hingebens schuldig gewesen ist / vnd ist der hingeber oder hingebere ein hern eigen / so sol in dem vffgeb brieff auch gesezt werde: Dem heren seiner rechte vnshedlich. Wo auch ein man oder fraw / die eigen heren hetten / nach ire tod jr gut verschaffen / so sol in demselben verschaffen vñ gemecht / vnd in den brieffen die von de Hoffgerichte daruber gegeben / gesezt werden: Den heren iren rechten vnshedlich / Wo aber das darin nit gesezt wirt / so soles doch dabei bleiben vñ also gehalten werden.

Wo jemandis gut verschafft vñ vermachtet wirt nach eines tod / der sol die schulden bezalen.

Jtem so auch jemand de andern sein gut nach seine tod vermachtet / so sol der / der solch gut von bemelten gemechts wegen an sich ziehe wil / alle die schulden die der abgestorbte gelassen hat / bezalen / ob wol der abgangen ander gut nicht hinder jm verlies / davon die bezale mochten werden.

Von fertigung auff dem Hoffgerichte.

Wer dem andern zukauffen vnd jm den kauff fertigen / vnd solch fertigung vff dem Hoffgerichte thun wil / so die fertigung zehen jar vñ einen tag / vnd wiewol die form des fertigungsbrieffs solch jar vnd zeit der fertigung nit inhaltet / so ist doch der fertiger vnd seine erben nach des Hoffgerichts recht vnd herkommen pflichtig / ob de kauffer odder seine erben nit recht in kauff gesprochen worden innerhalb zehen jaren vnd einen tag / als die vnd oft das beschicht / das er in darumb verstat / versprech / vertritt / alles nach dem rechten. Wan aber die zehen jar vnd der tag verscheine vnd hinkomen / so ist der fertiger noch sein erben dem kauffer noch seinen erben

ben oder jemand darnach in kauff redte oder darin jrung thet / sie zuuertree-
ten / oder zuwertstehn nichts pflichtig in keinen weg.

Wie ein Fraw sich gegen jemandt ihres

guts verzeihen oder jr gut verkauffen / versetzen / vermachen / oder hingeben wil / vnd das jr morgengab an-
trifft vnd berüret / wie sie das thun sol.

W Klein fraw vff dem Hoffgericht sich ihres gûts verzeihen / oder das
hingeben / versetzen vnd vermachen / das ihr morgengab angehet
vnd berüret / es sei gegen irem man oder weim das ist / so sol man die
frawen des ersten beuögtten / vnd ob sie ein mann hat / mit seinem willen /
vnd sol man ihr darzu einen fürsprechen vnd einen Rathgeber von dem
Hoffgericht geben / die vñ jr vogt sollen zu dreien malen mit berürter frawen
von der schrancken des Gerichts gehn / vnd sie die drei fragen / vnd erken-
nen / ob sie von jemand darzu gezwungen oder getrungen sei / solch verkauf-
fen / gemacht oder verzeihen zuthun / vnd so sie das an jr erkennen / so sollen
sie sie wider in gericht füren / vnd dann sol sie der Hoffrichter fragen mit sol-
chen worten:

Ich frag euch vff ewern eyde / ob ihr darzu von jemand gezwungen oder
getrungen seten / So antwort die fraw: Ich sag vff meinē eyde / daß ich von
niemand gezwungen oder getrungen bin / dann daß ich das thū vnd thur
wil / von freiem vnd mit gutem willen / Vnd solch auffüren / bedencken /
fragen vnd sagen sol drei stend auff einander beschehen im vorgeschribner
maß / Wann dann solches beschicht / so sol dann die fraw solches verschaf-
fen / verkauffen / vermachen oder verzeihen / oder was sie dann thun wil /
ds jr morgengab berüret / thun mit hand vnd mit mund / mit kopff vnd mit
brust / vnd ihres Vogts handt gegen dem sie das thun wil / Vnd wann
der Hoffrichter den stab darbeit / so sol er den der frawen an die linck brust
vornen setzen / vnd sol die fraw mit ihrer lincken hand greiffen zu ihren har-
locken odder zopff des haupts an der rechten seiten / vnd den zopff odder
des hars ein wenig herfür ziehen / vnd mit der rechten hand den stab vnd
die linck brust vornen begreiffen / vnd solches thun in vorgeschribener
weis.

Wie man kinder auff dem Hoffgericht Be-

uögtten sol / denen jr vatter vnd mutter oder deren eint-

weders von todt abgangen seind / oder ob man sie bei

vatter vnd mutter lebenden zeiten Be-

uögtten wolt / wie man dem

thun sol.

S Olche kinder sol man mit dreien Vogten beuögtten / deren zwen ihr
nächstes Vattermag / vnd der dritte Müttermag seien / solche Vögte
alle drei sollen auff dem Hoffgericht sein / vnd die kinder alle oder jr
eins zu dem wenigsten das die vogtei empfahe an sein selbs vnd der andern
seiner geschwisterten stat / vnd greiffend Vogt vnd kind an den stab / so sol-
che beuögtung geschicht.

Wie

Wie kind Vogt von der kind wegen auff dem Hoffgericht verkauffen/ vnd versetzen/ vnd sich verschreiben vnd verbinden mögen/ das krasse vnd macht hat.

WAs auch solcher Kind Vogt von der Kind wegen verkauffen/ versetzen/ oder warumb sie sich von ihrent wegen auff dem Hoffgericht verschreiben vnd verbinden wollen / da sollen allweg die Vögt alle drei/ oder zum wenigsten der Vogt zween sein/ vnd sagen vff ihr Eyde/ daß sie solches den Kindern besser beduncke gethon sein dann vermit- ten.

Wieman Vidimus von dem Hoffgerichte vber freihbeyt erlangen vnd erfordern sol.

WIlkein Fürst/ Herr/ Edelman/ Stat oder ander vber ire freihbeyten Vidimus nemen/ die mögen die erfordern durch sich selbs/ oder ein Fürst/ Herr/ oder Edelman durch einē irer diener/ Amptman oder Knecht/ vnd ein stat durch ein ires raths/ oder iren lauffendē botten. Solch Vidimus sollen vor offnē gericht mit anzeygung vñ darlegung der freihbeyt/ welche man dan lesen sol/ erfordert werden/ Vnd wo man auch Vidimus vber freihbeyt nimpt/ als man für frembde gericht gefreiet ist/ damit man den sargeladnen von dem Hoffgericht ziehen wil/ bei solchen freihbeyten sol alweg eins Römischen Keyser oder Königs/ der dann zun zeiten Keyser oder König ist/ bestetigung sein/ Oder wo die bestetigung nit bei der freihbeyt ist/ so weist man niemand nach freihbeyt sag/ als dan von solchen oben auch gesagt ist.

Vber welche brieff man an dem Hoffgerichte mit Vidimus/ vnd vber welche man Vidimus gibt.

WAnn gibt auff dem Hoffgericht kein Vidimus vber schuldbrieff/ vber zinsbrieff noch vber kauffbrieff/ aber sonst vber brieff/ als freihbeyt bestetigung/ gerichtes oder vrtheilbrieff/ vertragsbrieff/ vnd alle andere brieff gibt man Vidimus/ wo das in gericht erfordert wirt.

Wiemann Gerichtsbrieff/ Acht/ erlangte vnd erfolgte recht/ die vff den Landgerichten gesprochen/ geurtheilt vnd erlangt werden/ vff dem Hoffgerichte bestetigt vnd Confirmiert.

SReheilen/ Gerichtsbrieffen/ Achten/ erlangten vnd erfolgten recht/ die auff den Landgerichten gesprochen/ geurtheilt vnd erlangt werden/ die an den enden gelegen sind/ dahin das Hoffgericht richtet/ fordert die der Kläger durch sich selbs oder sein volmechtig botschafft/ mit freiem vollen verschribnen gewalt/ von dem Hoffrichter zukrefftigen/ zumechtigen vnd zu Confirmieren/ so ist das Hoffgericht solchs pflichtig zuthun / Doch daß die vrtheilen/ Acht/ erlangte vnd erfolgte redlich vnd vber die gangen seien/ vber die sie nach recht zurichten vnd zu Vrtheilen gehebt haben/ vnd in dem Landgerichte gefessen sind/ vnd darinn gehörig.

Wie

Elfte Theyl Rocwellischer
Wie man Heirathbrieff/ Verweisungbrieff/ vnd
andere brieff/ da sich jemand gegen dem andern verschreibt oder ver-
bindt/verschafft/vermacht/vor besetzten der aussershalb
auff dem Hoffgericht bestetigt/ vnd confirmiert
werden.

So die brieff auff dem hoffgericht gebracht werden / fordern daß die
den die brieff weisen gerichten/vnd auch die von den sie sagen durch
sich selbs oder durch jr bottschaft mit irem vollē gewalt die zukreff-
ten/ zu mechtigen / zu confirmieren / mann sol die bestetigen/ bekräftigen/
mechtigen vnnnd confirmieren von dem Hoffgericht/ wo die redlich an ihn
selbs/an form/ geschriffte/ perment vnd insigeln gefunden werden.

Zwölfft vnd Letzte Theyl **Rocweilischer Hoffgerichtes** Ordnung.

Wie der Hoffrichter fragt vmb die dritte Klag.

Wann der Hoffrichter von dem Hoffgericht lassen vnnnd schier auff-
stehn wil/so fragt er vmb die dritte klag/vñ vmb die frag / vnd dar-
zu vnd auch sonst wo es die acht angeht/sol er alweggen zu dem we-
nigsten sibem Richter fragen/welche frag er also thut:

Ich frag dich **V.** vmb die dritte klag / so vrtheilt darauff ein jeglicher
den er fragt also.

Welchem geruffet ist/vnnnd der das mit verantwort/dieweil das Gerichte
gewert hat/daß man zu dem richte zu mannen mit acht vnd mit anleit/vnd
zu frawen mit anleite.

Wie der Hoffrichter ächtet.

So dann der Hoffrichter auffsteht/vnd mit mehr richten wil / so hat
er seinen stab in der hand vnd ächtet stehende also:
Allen denen den geruffte ist/ zu der dritten klag/ vnd die das nicht
verantwort haben dieweil das gericht gewert hat/die künd ich auß dem fri-
den in vnfriden/vnd verbeut sie iren freunden/vnd erlaub sie vnd jr gut iren
feinden. Vnd wirfft dann den stab auß der hand.

Wie der vorsteher des Hoffgerichtes Bei- bel das nechste Hoffgericht beruffte mit sol- chen worten/ also.

Das nechste Hoffgericht wirt auff dem nechsten Dinstag nach des
heiligen **V.** tag ic.

Vff welche tag man das Hoff gericht legt.

Man

WAn sol das Hoffgericht alwegen legen vnd beruffen auff eine Din-
 stag oder vff ein Donnerstag/ Vnnd wann es auff ein Dienstag ist/
 so sol mann das nechst darnach vñ nechsten Donnerstag vber vier
 zehen tag legen/ es irre dan ein feiertag odder andere sach/ so mag mann es
 von demselben Dienstag vber drei wochen/ oder von dem nechsten Donner-
 stag darnach vber drei wochen oder lenger erstrecken. So es dann vff einen
 Donnerstag ist/ so sol mann es darnach vom nechsten Dienstag vber vierze-
 hen tag beruffen vnd legen/ es irre dann auch ein feiertag/ oder an-
 dere sachen/ so mag mans von demselbigen Donnerstag vber
 drei wochen/ oder von dem nechsten Dienstag
 darnach vber drei wochen oder len-
 ger erstrecken.



Effigies Christiani Egenolphi Typographi.



Getruckt zu Franckfurt am Meyn Bei Christian Egenolffa
 Erben. Im Jar M. D. LXiiij.

1593750

OCN 68019505



dū celi que ⁊ testudo di et laanar. Del p̄ dia


Uo me l'ultima

Calio nas nam uic. n. su


Dū celi que ⁊ tēstudo dī et laanar. Del fr dia

Quo nūc l' mltipma

Calio nas nau ude n. su



Faint, illegible text at the top of the page, possibly bleed-through from the reverse side.



legatura 14 nro pno hns kmoly 87 dedi illi pffmim

Dr. de R. G. O. Rothmann d. 14. Aprilis 1811
in Regensburg. 31. Octobris 1811. maj.

Calyptra calyptra e loci ubi nunc nascitur
quis dicitur ut fana hanc dicitur fana fana fana fana

or dicitur in vocat. pñ bagri. dñ et bagri dñr qz moue
 ri oio nō pñt. macta dñr. dñ et egras hōes man
 boar. quibz spes aut pcededi nulla restat. **Itē a**
 calais lapide. dñ hic calais. vō. nūs. cōpūmāo qz
 vntqz huiusmōi lapillos ī māu tenētes solebant
 mām cōpūte. **Dñ calais** hīs vbi actū. i. mātare et
 cor. ca vñ bñlia et calalan. i. mātā. **Itē a calais**
 pp̄t sui pūtatē hic calais h lapis qui ī vestra sit
Dñ calais sa su. qui calē parit. **Trinitatē** scdm
Itē calais lapis ignitū sine carbūadq. **Dñ dicit**
glosa p̄sue vñ et ī māu eius calais. **Itē** calais
 iquit ē lapis ignitū ut carbūadq. qui pp̄t flamm
 meū colozē igneus dñ. **Dñ bñlia**. Calais ē vāo
 nūs. sīna carbo. Calais ē pōdā. mīmō lapis. eni
Calais a. a calais pp̄t sui pūtatē. **Sig dicitq.**
 dñ h calais a. i. q̄tā o p̄s oboli et ē mīna p̄s p̄d
 dñ. **Itē calais** dicit q̄n et o mīna ī b vñ. mīlan
 nū et dñ calais id ē fex illeg.

Calais a. a calais pp̄t sui pūtatē. **Sig dicitq.**
 dñ h calais a. i. q̄tā o p̄s oboli et ē mīna p̄s p̄d
 dñ. **Itē calais** dicit q̄n et o mīna ī b vñ. mīlan
 nū et dñ calais id ē fex illeg.

Calais a. a calais pp̄t sui pūtatē. **Sig dicitq.**
 dñ h calais a. i. q̄tā o p̄s oboli et ē mīna p̄s p̄d
 dñ. **Itē calais** dicit q̄n et o mīna ī b vñ. mīlan
 nū et dñ calais id ē fex illeg.

